

二知軒詩續鈔

二知軒詩續鈔卷七

定遠方濟頤子箴

古今體詩一百又十九首

戊辰十一月
至己巳二月

十一月初十日雨

前二日冬至

一
九釀雪雪不成散作萬條銀線舞嶺南嶺北氣候殊
舟行十日六日雨西江老龍有底忙嚴冬怕向水府藏
無暄可負村叟怨豈獨衝寒愁權郎願龍少休待滕六
鼓盪網縊十分足百花洲上灑瓊翼正好停橈醉芳醪
枕上聞雁

炎荒久不聞清唳路入西江望眼穿獨卧正愁風雨夜

數聲忽到枕函邊
銜蘆遠
清飛無定
刷羽寥空
斷復連
知汝南游應已倦
北征伴我故鄉旋

十三日黎明未起又聞雁聲

喚醒征人夢
紛員陣勢雄
斜飛江浦上
併入鴈聲中
爲我傳鄉信
勞伊寫碧空
披衣蹤迹杳
那不羨冥鴻

紀程

快閣無人約我登
嗟哦三顧想芳稱
寒江亭子今何在

月照東昌感不勝

昨泊永和汎殆卽古永和市宋曾悅心建寒江秋月亭劉鑑作序以爲東

昌十五
景之一

駝嶺鷗鵠峰莫辨
盧江三水合
文江篙工都道南風好

午睡乍醒聞挂簾

峽江憶蔡香祖同年

扁舟橫山縣把酒話滄溟

庚戌過此香祖留飲衙齋出滄溟出險關索題予亦以詩

卷相質作一日之聚

陳迹已如夢亂山空復青
徑思探玉筍去去

訪仙靈可奈征程迫溼雲飛不停

十四日漫詠

都尉此築城偶亭號新莽飛瀑小廬山登臨動遐想終

朝閉篷窗但聽鶻聲響風波苦淹滯龍沙掉塵鞅

予擬至南

昌由陸路還鄉

舟中放歌

浮家泛宅秋徂冬逍遙澤國便疏慵一日飽看千萬峰
綠樟夾岸勝老榕章江上游船屢廢十八灘過方沖融
嬉眠宛然鷗鷺同俗事了不嬰吾胸晨昏扣舷詩興濃
年來聽鼓羊城中如魚麗留麋入冢白雲曾未一倚筇
那能洞口探黃龍西園小築碧玲瓏招邀朋侶壇坫雄
由它馬耳吹東風拈毫兀比輟算工紛紛勞形簿書叢
歎我嘯詠長從容俊鶻齊嗤鶻毳魚鷹怕學信天翁
逐隊強伴趨衙蜂欸段難追有力馱蝸角誰非寄居蟲
白衣蒼狗迷虛空委心任運師陶公畦畛盡化塊壘融
坦率弗解藏機鋒黽勉力行恕與忠尺宅安止寸田豐

彼蒼青天佑藐躬坎窞可出塞可通鄉關路近樂何窮
白沙嶺上青青松儼若故舊重相逢竹林棠棣話情悰
子祥書來要子過桐城作十日之聚首荷嫩於霜後菰再度肥水尋王濛
謂謙久離忽合兩駟蛩抵掌絮絮干戈蹤瀧岡定有扶
杖農笑我胡亦態龍鍾我貌雖衰氣則充與子擊壤歌
時雍共把鋤耒拋穉穉寒宵拉雜啗未終又聞米雪敲
船篷

銅鑼港阻風遇雪聯句 十五日

吁嗟行路難箴迴不由人算菱箕伯尼我舟箴中流艣
聲斷菱弟謂月當頭箴東湖一輪滿菱風濤阻篙楫箴

欲速轉迂緩箴猛鷗破空吼箴倒捲助洶悍箴幾作鵠

退飛箴鼓盪危若卵箴頻年慨浮沈箴忠信險化坦箴

沙灘亟下碇箴寒林鵲飛罕箴瑟縮甕中坐箴酒卮暫

一煖箴噫氣胡不息箴曰蒙我心懣箴

昨宵已雨雹箴今午雪成陣汝言久不見玉戲箴醞釀

訝俄瞬退碎仍雜銀礫箴濃欲上斑鬢退九斛瀛洲塵

箴龍宮未嘗罄退方期瑞盈尺箴白戰申號令退此間

卽灞橋箴推蓬發豪興退顛風不解事箴掀舞何奮迅

退難開六出花箴打頭吹益勁退我欲問石尤箴行旅

皆汝病退曷不返土囊箴雪霽溜可趁退

日晡雪止而風益厲復成短歌

跋扈將軍何太猛天花一霎散無影銀鑾玉馬紛遁逃
席捲可堪逢發饗少女微微助飄颻寒梅頃刻萬枝放
鳴冬愁汝百不宜呵凍我作嘲風詩

十七日風威已息舟子畏寒遲遲解纜僅抵樟樹

鎮

畏寒舟子情向晚始敲鉦天上凍雲滿山坳積雪明閭
閻今莫又寇盜昔縱橫令我思鄉國荒蕪半不耕

十八日天霽四更始泊象牙潭

距南昌十五里

午發樟樹鎮晚飯磯頭山共披黃綿襖支體寒不痛長

年賈餘勇待月曲江灣金花細遺跡風定流潺湲助然
玉乾坤泛泛如鷗鷺鸞岡在何許夢寐仙樓板

十九日大風檣舟河泊所未幾風息子嚴之舟適
自北來喜而有作

我船風打頭難達生米渡遙看北來帆翩翩若鳬驚停
橈正惆悵童僕驚告語彼舟帆忽落亦向沙汀住心知
必是君往探果無誤天公巧作合江上不期遇久別乍
相見且莫市汊地名去

二十一日與子嚴淒然作別

嗚呼別九年聚兩日不能捱柁返炎荒夜夜舟中同促

滕浮沈宦海難自由
摩挲霜鬢生牢愁
期汝高飛作鴻鵠
讓我偷閒盟鷺鷥
握手相看淚如雨
臨別贈言須記取
予以虛心忍氣四字爲弟賦
可奈填篋奏未終
一聲搖曳寒江艣

將至南昌口占

煙光低罨石頭津
隱隱西山淺黛皴
不向章江門外泊

怕看畫棟已成塵

滕王閣久廢於賊

過百花洲有感

講武遺墟在戔戔
表二忠

新建張筱浦江岷樵兩中丞祠堂

廬存湖上

客

辛亥秋過此史士良前輩招飲湖上座有兩王試沈明亭師襄靜軒前輩學使張筱圃丈撫軍陸稼堂前

輩今皆歸道山

來作雪泥鴻幻態
浮雲似光陰
逝水同不堪
杯

重把髭柳漾寒風

劉養素于博方伯偕曾秋帆作舟同年胡研蓀詩

椿侍御俞采臣秉綬吉士招飲晚香圃

虎狼紛避鷁養素統舟師捍衛西江十餘載鸞鳳追隨鷗鷺羣往

日辭榮能捍患養素由軍功擢監司於今偃武共脩文

曾胡俞三君皆主講書院黃花已謝客方至舊雨重逢酒易醺雪過

頭番晴正好飛來南浦是罌雲

江干小住候已旬日戲用卦名成詩

扁舟抵豫章幾爲酒食困日日占噬嗑同人意繾綣肥
臘損腸胃醅耐恒不飯漸覺醉鄉苦自訟還自怨離粵

兩月餘嘯歌破旅悶括囊忽如坤我師兵甲頓但聞墮
遇安淹留復何恨悚然思有節明發吾將逝

渡章江由沙井陸行

迂迴避風濤逡巡登彼岸渾如轅下駒老矣尙羈絆

建昌縣

楊柳津邊望寒雲野色昏城荒竄狐兔隄決吼鼉鼉見
說烽煙靖還愁雪浪翻縣境今年有水患幸逢東道主謂佳明府慕瀾

爐火夜頻溫

九仙嶺

距德安縣十里九仙之名未詳

九日登高人似蟻九仙嶺上九仙祠老農云是廬山尾

安得扶筇巔頂窺

小車陷於淖推車人一傷其臂一傷其膝閤之以

詩

嗟爾以人代馬牛或推或挽遑肯休一雨泥塗成陷窞
蹉跌難防平地險餬口反至傷其身願爾歸去爲農民
優游畎畝亦云樂不須再插塵中腳

宿馬回嶺

雪堆廬阜白如銀犖峴陂陀眼界新得住廣文七星屋
且凭短几作詩人

沙河鎮旅店燈下作

疏櫺紙破風穿罅牀頭無書薪插架門斜屋矮地不平
墳起何曾碌碌研舍舟登陸計殊左連宵局縮入蝸舍
煙波浩蕩船爲家絕勝倉黃一椽借五日猶未到江州
挖泥帶水焉能罷須知顓頊正司令湖上打頭風可怕
乾坤到處皆逆旅烏衣今日非王謝謂官是戲洵不誣
傀儡甘遭田父罵

途中聞村人耳語故戲及之

隔牆忽聞鼓吹喧歲

豐報賽樂農暇迴想春燈鬧絃管難忘西園延月榭

望廬山

我行廬山陰不見廬山面互空絕嵯峨中孕雲萬片初
疑雪花聚滉漾目爲眩久看是山帶重重堆匹練氤氲

滿層霄爾獨與山戀顛風遇嬾雲鼓盪力亦倦難尋五
老蹤空生石梁羨冥想洞天勝忍寒屢回盼

九江郭外有感

劫盡蟲沙海客來甘棠湖畔起樓臺障川要把狂瀾挽
固本端須正氣培害馬不除無遠慮長鯨能掣是雄才
徑思憑仗飛廉力一掃迷漫濁霧開

張益川

光裕

大令爲予假館於甘棠湖上阻雨不

克渡江因借觀德化縣志率賦長歌奉贈

冒寒昨過蛇岡嶺白雲遮斷香爐影神往吾家仙子廬
周武王時方輔與李老聃跨白驢
入山鍊丹得道仙去惟廬存故云游興空豪弗容騁東

道獲逢賢使君春明舊雨情最殷招邀湖上水晶域假館

茶棧屋宇甚精使我不飲心先醺蒼虬怒攪石梁水萬籟呼號

風洞啟始知山帶確有徵溟濛達旦何曾止躊躇欲登

浸月亭披簾無人盪蜻蛉瀟漫溢浦浪花沸留滯天教

合兩萍多感衝泥頻枉駕玉屑霏霏意閒暇攤書差可

破岑寂圖經請學退之借維唐刺史勸建隄團蕉仿自

周濂溪黃騰春崔倫奇唐英李根雲互脩復鏡波樓名翠

照軒名紛標題錦屏九疊當窗列衆妙亦樓名包羅洵卓絕

五賢名先後著芳型鶴問湖名龍開河名難與埒今年君作

匡廬游得半已覺清且幽湖墩咫尺未許到此身自笑

同拘囚翻幸有緣湖上住展卷前徽生企慕瀟瀟忘卻
打簷聲靜坐思量林壑趣羨君種柳如甘棠君以琵琶
亭爲賊所
毀種柳於其地讎之五年謳誦盈柴桑他時補入秩官表楚尾歌
來韻更長

丁卯豫省擒匪竄蘄黃至德化所屬小池口楚
民來潯避難者五六萬人君振恤備至請黃總
戎開榜以一旅遏賊南渡賊退之後難民全歸
楚人歌誦其德裒然成集名曰楚尾歌來君以
見示故末句及之

題楚尾歌來後

楚民皆吾民呼船徑使渡撫循數萬衆饘粥已畢具力
遇北岸賊倉卒勁旅募虎狼不敢窺鴻雁輯如故保境
兼保鄰慈祥天所賦驩然頌聲作笳角變韶護上考實
不媿循良薦當昨柳寵黃灝今再見謳思匪虛譽

臘八日天霽益川招游煙水亭

卽浸月亭看匡廬積雪

歸酌湖濱卽席二首

助我登臨興天公爲放晴湖心一凭眺山骨化瑤瓊小

泛鴛鴦艇

兩舟相聯

低張錦繡棚青溪堪彷彿鄭重主人情

有雲難浸月空曠不勝寒更就湖邊屋依然對遠巒鮮

脰魚漬酒脆美蛤登杵

筵有魚生並杭州蛤蜊

應被山靈笑多於

貢叔肝

渡江

孤客昔還鄉洪濤駭簸揚

謂辛亥十月

竭來重問渡安穩駕

輕航溢水寒冬涸風帆側勢張兩過小池口九派未能

詳

旅夜口占

陸行風雨道途淹自笑渾如上竹鮎破屋一燈寒不寐
紛紛銀燄夜敲檐

宿黃梅有感

金剛有杵不降魔戰士頻年共枕戈佛地尙遭烽火劫

祖山空詔道場多

與中書所見

山中忘卻是嚴冬一片生機豁睡容雪後潤滋千畝麥
雨餘秀挺四圍松高低錯落綴欽股迤邐彎環鋪翠茸
霜葉褪紅猶在樹眼前畫意十分濃

山行紀程

黃梅出東郭由楚達皖境直從馬尾

山麓行到車鼓嶺

岡巒迭迴抱蕭疏亦秀整不須詣五祖已覺俗緣靜十

里抵松滋氣象倍高迥脉自雲天

嶺名

來陡絕玉屏

峰名影

萬峰峙河西蜿蜒靈弗蠢左顧復右盼入勝恍人引龍

門山名呀然闢形家言起頂我從佛座嶺名過欲躡愁道瀛

更念小孤山江心如插筍惜哉困行旅動爲風雨窘有

山不能游披圖意悵悵向黃大令傳燾借觀宿松縣志

楓香驛

此地看紅葉俄經十八秋荒寒逢歲暮跋涉到山郵雲

凍屑霄厚風生大壑適計程鄉路近身似借巢鳩

太湖郭外遠眺

湖水抱城圓如浮一葉蓮崇岡基兀兀遠障列娟娟蘭

芷成叢秀鵲鸞奮翼翩卽今堆瓦礫城中屋宇賊毀十之八九科第

尙蟬聯甲子丁卯兩科鄉試中式者十七人今年會試趙子芳復膺館選

輿中見日喜而有作

章江登岸十三日青天日日愁陰霾雪花罷飛雨頻落
雲絮密布風難綻瞳矐四面豁開朗蔚藍一色如新揩
小池驛裏夕陽下坐待冷月懸蒼厓

題瀟山守禦志後

巴陵孫漸人張銓所輯

巖巖天堂山關隘二十七建礮復立卡防守至周密濠
泗楚豫握其樞形勝直與樅陽俱重岡複嶺天設險書
生橐筆謀非迂東征堪佐中丞胡我來瀟邑三太息城
爲賊小賊固愚賊以城大難守畫其半另築新城漢池弄兵究安在紛
紛摧拉成朽枯嗚呼茲編實爲經世書得人而守籌策

紆金甌萬里磐石如豈獨保障滯一隅

贈趙岵存前輩

皖公山下擁皋比

君王講散
敷書院

道貌豐腴老不衰懸旂夜

窗書細字踏歌江岸有新詩堦鄉共仰沙隄築

謂李少
泉爵相

子舍榮叨金匱司

謂薛嗣子
芳吉士

天與優游閒歲月敝門來

補祝釐詞

君今年六
十有一

身無仙骨墮塵凡何日重攜白水鑊願我遷延猶上阪

羨君勇退早迴帆馴鷗本已忘機慮驚馬終須脫轡銜

且喜殘年風雪裏筍香足解渭川饒

君一見卽訂二
十三日招飲

題隨園圖

圖爲先生之孫竹垞起參軍所作

渡江三十八年前未到詩城意惘然
一自嵯山醉紅雪
道光辛卯予年十七至金陵應秋試初
入隨園僅於柳谷雙湖匆匆凭眺即歸
迨道光庚戌秋旬留日下注龍溪虎溪
招飲於嵯山紅雪始得遍覽諸勝境
可堪鍾阜起烽煙披圖不盡滄桑感
阿凍還增翰墨緣我羨參軍能繼武
丹青海內徧流傳

帖存前輩招飲即席口占并呈吳竹莊

坤修

中丞

十年藏酒甕新開冒雨衝寒醉一回
選客要如梁學士

簡齋句云一飯
君嚴常選客

幸隨鶴到天台

君所居
里名

翌可回甘諫果如謾云太白愛浮蛆
胷中澆滿金盤露
歸去無庸引睡書

上竹莊中丞

英豪事業才人筆，傾倒於今拜下風。狂兇奔鯨咸卻走，
酒龍詩虎兩爭雄。江流浩浩狂瀾息，天村戢戢峻望崇。
獨羨公餘耽嘯詠，承賜三胎戟牙高捲氣如虹。

齋詩集

寒雨連朝滯北征，華筵來聽管絃聲。枯腸得潤珠螺盞，
雋味教嘗玉糝羹。已荷忘形寬禮數，可容挑戰起詩兵。
遙知騎鶴揚州客，謂何梅餘爛醉紅橋引巨觥。

次吳子登嘉善韻兼呈竹莊中丞

自笑老饕難淡食，頻年慣掌牢盆職。量移淮浦辭炎荒，
迂道陸行返鄉國。頗思鼓勇巖壑接泥滑，未許龍眠游

中丞好客啟壇坫吾子亦停破浪舟才名公繼宋牧仲
風雅我媿王揚州倚樓一老豪猶昔

謂岵翁

每愛酣歌拓

金戟興來同躡糟邱臺號令森嚴酒兵策袍笏散場更
漏闌誓將入洞尋猗玕詞宗到處有結納劍鋏匪等馮
驩彈蹉跎歲月竟何補旅館淹留聽臘鼓新雨舊雨雜
還至江干小作搏沙聚勁敵於今逢大將我駐筇輿君
橫舫共推越釀甲天下凍醪美過陶元亮放晴正好去
看山攜榼大觀亭子上

題三恥齋集疊前韻

鑿險絕幽才力富瀾翻舌底挽生風不圖戎馬行間奮

卽論詞章宇內雄機杼八梭絲化錦珊瑚七尺愷輸崇
寒宵展卷光芒吐宛似滄江貫月虹

拔取茅茹慶彙征鼓箏聲變頌歌聲誰云海蜃皆虛境
我道婁鯖勝太羹一詠一吟欣結侶四奇四正儼行兵
別開生面超皮陸大白頻浮不計能

登大觀亭

干戈劫後闢荆榛三載重看畫棟新丙寅年重建只惜東偏
無鏡舫還思襍被作詩人

祖孫兄弟共躋攀予與芟塘弟果卿姪耀孫四人同登歲晚來偷半日閒

幾葉風帆懸霧裏模糊不見隔江山

題許叔平

奉恩

蘭若館初集卽次見贈詩韻

胎華孕藻絕羣浮柏槻山房雅韻留

梅伯言丈題七古一章有胎華孕藻

心雜仙之句

少日柳枝歌白下殘冬萍梗聚舒州要思牛耳

中原王足傲羊頭關內侯宗派龍眠傳勿墜敦園閉戶

且鐫鏤

大聲江上響銅琶鼓角炎荒未足誇頓使雨風忘客邸

君每夜過我劇談

欲評月旦就君家幾年慣種魚勞竹來歲同

看芍藥花

約君明春遊邗上

竊願追隨韓孟後肯教詩膽讓劉

父

竹莊中丞除夕招飲卽席口占錄別三疊前韻

江干旬日勾留久雅慕輕裘緩帶風五石誰如詩瓠齊

富一枝獨讓杖藜雄子登用西法合照中丞與陸秋丞

像中丞戲扶斗杓淑氣隨春轉奎壁文光得地崇予借

藜杖故及之熙宇往登指顧真除丹詔賁雙旌瑞靄燦蜺虹恬生

奎星閣大龍山下賦遄征又聽晴空雁有聲上坂由來難縱轡

入厨依舊倩嘗羹方期手挽銀河甲都服胷羅武庫兵

明歲朝天邗上過蜀岡掃徑一飛觥

除夕旅館拈得粉字韻聯句

光陰過客同于箴歲除禮宜餞何以消永夕叔平正思

結吟伴忽聞剝啄聲箴不速來旅館緒論拾牙慧叔餘

醺拋手版

竹莊中丞招飲甫歸

瘦金猶在目

箴

是日竹翁以所藏宋徽宗瘦金書見

示

露液且潤吻膏燭燦兩行

叔

毛穎銳雙管鄰喧博塞

具

箴

家列屠蘇琰奈詩話島佛

叔

聽鏡傲詹尹吳儂爭

賣癡

箴

楚人或宿飯漫文甲煎燃

叔

亟命辛盤選嗤它

悶字書

箴

羨彼綵勝剪桃符倏換新

叔

商陸遑就煖古

有鍾馗圖

箴

今數茶壘典竹爆紛震耳

叔

椒香飽嘗齋

竹翁頃以

已充藜苲腸

箴

快需鸛鵒眼白戰嚴號令

叔

黑甜忘老嬾增年爾我思

箴

卜夜王賓款賭韻撫石鼎

叔

凝思抽蠶繭七星鄭虔屋

箴

三尺董狐簡

箴

翁晨由詞館擢侍

御

瞻韓愜素襟

叔

希阮汪青貺箸述況等身

箴

提唱會

專闢多士奉圭臬叔長材擅雕篆豈止塞蘭若箴君

詩集外雜著及將從步苔薜梅花賞官閣叔來歲藻

采歷文苑計日柳含穉箴詰朝荔糝粉臚膊村鷄鳴叔

嘹唳塞鴻返龍眠去看松箴犢角試燒符鄉儺競嬉戲

叔灰堆雜嘲哂尙期元日聚箴擬初聊復藉懷遣同

雲霧如墨叔比戶闐皆鍵無心學冬烘箴有跼跂春轉

更籌暗裏催叔離緒忙中緩興較呼盧豪箴神馳行旆

遠山斗切仰止叔坵壇奮登踐人與歲俱別箴分略俗

差免蜀岡待追隨叔樹檝龍虎營箴

元旦雨聯句

天公爲留客

叔

一雨到新年

除夜雨達旦不止

小醉鷗波館

箴

嵒翁

還增鴻雪綠醲膏
留飲滋首祚

叔

泥淖阻歸鞭不盡推

敲意

箴

蝸廬好共跼

叔

側耳一聲聲

叔

雲籠九里城懸知江欲漲

箴

亟盼野能

耕岸柳洩春信

叔

山花濃別情喜無冠蓋至

箴

清興引

茶鎗

叔

集賢關

雙峰依舊聳崢嶸不見山人放鶴亭
殘臘出關

前月十六日曾

由此起

春又入石頭路滑踈鸞鈴

試乘熙宇所贈之簾

曉發練潭

元辰膏雨鱗原塋兩三農父對鋤麥菜花幾朶綻黃金
叢篠含煙撐瘦碧誰云劫後田疇荒呂亭足稱豐樂鄉
嵯峨屏嶂列空際間途已過天林莊

示子祥二弟

去冬思見君風雨皖江阻入春甫四日泥淖亟行旅故
園無一椽骨肉此間聚我來當還鄉山城堆斷礎君導
我適館先往省仲父康強勝前歲鳩杖不須拄仲母病
卧牀對我色悲楚以手自指頤嚙嚙口難語所喜胃猶
壯中焦火生土弟與我同庚白頭足恃怙孫曾環繞膝
鱣堂春氣煦快然傾酒卮絮絮忘夜午

初十日發桐城口占留別子祥

四口金盆山下住，驪歌催唱意踟躕。故園松柏淪榛莽，

治水無人結釣徒。

撫松草堂柏蔭軒今皆不存

卜居終欲傍肥津，春草池塘好作鄰。它日紫蓬山攜榼，

去扶筇屐展兩詩人。

白沙嶺至北峽

茲山多龍鱗，當年曾飽看。而今化童童，臨風起長歎。

小關與大關，區區巖坳裏。稍稍見竹樹，頓使客心喜。

舒城

欲訪文翁莊，寒雲壓荒甸。欲探梅仙洞，顛風驚撲面。入

城天未曉聊復親筆視勝迹渺難覲頻年嶠角戰

廬州次謙齋人日寄懷韻

健筆誰能敵浣花

君近學杜

騷壇雷動阿香車狂吟飛騎橋

邊月醉嚼浮槎頂上霞斷井寒煙餘戰壘青瑣舊物屬

君家半園人作遺園客相對挑燈感髣華

疊韻聯句

荒墩重踏古香花

方子篋

潑刺銀梭入釣車

王謙齋西

登雙峰延夕爽

凌兆熊仲桓

東園預浴朝霞

方振沅

芷春

曲臺半沒蓬蒿徑

方臻敷貽清

野水爭浮舴艋家

方燕昭和齋

難得阿戎炎嶠至

方延煥礪山

追陪杖履

謂子篋

詠年華 方紫煥果卿

上元聯句疊前韻四首

絕無火樹與銀花歲誰製豚肩祝滿車
謙 吾鄉李丹壑太史句云紙

燈新製豚肩樣要益部洞開城不夜
仲 予久客成都

於它 洛陽濃簇影如霞
並 兩在豫省 觀魚龍之戲 歌停吳苑連環

曲 贈 吳中歌 月照禹山十萬家
和 大父宦遊 今夕

平梁吟社開礪不須鳧燕侈豪華果

白露常春記轉花歲小平康里碾香車謙 國初吾郡

日小平團圓鏡啟眉羞月仲 欸段人扶臉暈霞
並 紉

中所圍燭向輸韓國第胎金錢慣買越王家和 綠衫紅

輓承恩渥礪學士張燈分外華果

年來老眼倦看花箴枉腹撐腸富五車謙飛將子門森

壁壘仲君家一門才人儼體燦雲霞芷謂仲桓表

勇能射石好身手謙齋上謂高若建瓴真作家和我媿詞

壇稱小隊礪壁箋門韻學摘華果

罷剪鷖毛作雪花箴封姨挽住五雲車謙終期卜繭登

黃閣仲謂且約傳柑醉紫霞芷鋒鏑久銷廬子國胎

琳瑯新滿鄴侯家和崔盧嵇阮聯同調礪明夜遣園月

更華果謙丈明夜觴客

次韻謙齋十六日夜同人小集遺園

高歌枕上蝶魂蘇

君告予昨夜聯句歸而就枕吟哦不絕遂驚醒小君之夢

妬煞梅

兄仙子呼

齊中供水仙紅梅各一故以此調之

天壤才名原蓋世座間主

客又成圖光芒難闕化龍劍聲價休輕彈雀珠桃柳重
栽爭笛浦料應風景未全殊

宿梁園感賦

庚戌三月予南游過此借宿於蔡丈小泉之亦
園園故以假山勝洞壑玲瓏緣坡上下皆築曲
廊達於巔頂池臺樓閣位置天然如畫勾留一
日作七絕四章紀之乃不數年園毀於賊蔡丈
喬梓亦皆化去月之十七日還鄉復經其地天

已曠黑詢之居民云僅存小橋石洞而已而予
詩則曩於辛亥秋付之波臣都不記憶挑燈枯
坐根觸無聊因補作四詩以誌今昔之感云

萍蹤小泊莫春天彈指光陰二十年猶記陂塘新漲滿
到門蛙鼓正喧闐

臺榭經營巧匠謬翻新未及化工奇迷漫萬綠渾如海
中有珊瑚樹幾枝

謂映山紅

解后崔盧意頗親

予曩到亦園適陳澗森已先至

匆匆遽作遠游人而

今白首還鄉國楚尾吳頭倍愴神

寂寂荒郊月影寒悶攤詩卷興闌珊石獅卧地無人管

嶰谷瑯琊一例看

小嶰谷瑯琊山壽春孫氏二園名亂後咸鞠爲茂草矣

江家巷書所見

入定遠界

吾鄉有轉機亂後返熙皞居然禮義邦騎驢人避道

張橋驛口占答鄉人

華屋都成茅舍樂郊等是荒墟野老不煩問訊茫茫宦

海愁予

還鄉展墓六首

壁立阿蘭若煙飛宰堵波

先妣楊太夫人王太夫人墓在萬善寺之北寺爲賊

毀僅存四壁墓東之塔亦焚於火

宦遊虛祭掃劫運起干戈已卜天心

轉漸看民氣和烏犍重爲買力作莫蹉跎

牛眠營吉兆獅子合名岡

先通奉公龔得花章岡吉穴繪圖寄京師示頤名之曰

獅子

近水都環匝遥峰總鬱蒼

大尖山距岡四十音容里與墓門相對

嗟永隔積累荷餘慶徑欲拋簪組歸耕丙舍傍

九葉綿宗派咸誇地脉靈最難兵燹後不斷藻芹馨

近年

三次補行歲科試吾家入泮十七人

理氣疑虛誕繼頭詎宵冥河流元武

繞凹凸見真形

河頭鄭距爐橋十二里六世祖公衍公五世祖仙裳公墓在焉墓穴北向

大河在墓後吾族二百年皆由此發迹云

明堂水誤朝未必福能徵

昔聞先通奉公云邱家岡羅姓墓以北向絕嗣吾家祖

塋轉而向南嶺

苦節天斯佑

先曾祖妣陳太夫人旌表節孝故應寒

不凋至今松柏影彷彿現中宵

佃戶告去去肥津畔重

將綽楔標

廬橋節孝坊祠已爲賊毀擬於廬郡脩建奉祀

接壤佳城峙祥徵尹疇西

邱家岡卽尹疇迤西四里高塘寺先祖考豫圃公繼祖

妣徐太夫人墓在焉又四里爲吳家湖

先

庶祖妣龐太淑人墓在焉祭掃一日可徧

交芬棠棣

鄂茂苗蕙蘭萼

謂諸弟姪

端賴培根本因之介祉禔西軒

時侍

豫圃

公讀書處

榛棘滿春露獨含悽

太息虬枝盡能無剪伐傷當年鬬蠻觸

先高祖厚齋公先伯曾祖

碧岑公墓在谷家岡數年前王韓兩姓

此日竄豺狼與

械鬥遂將墓柏伐去田亦廢而不耕

見兩狼竄

荒陂間故里烽煙擾先疇畎畝荒遠來澆麥飯衣錦

倍彷徨

輿中讀謙齋詩集題後

虎狼叢裏抽身出，笳鼓營中掉馬回。
風月酣嬉餘夢影，君初集名迹 乾坤磊落此雄才。
毫端儘有鋒芒在，亂後

重將壇坫開傳世，底須局秘篋

徐穀甫同年欲君錄而藏之予竊不謂然要

令萬目賞奇瑰

悲治水

吁嗟乎昔日崇閎駟馬門，變爲局促蝸牛廬。
往時逍遙鷗鷺鄉，化作奔騰狼虎居。
暈飛烏革倏灰燼，繁華過眼雲煙如。
祖宗締造二百載，荒蕪竟爾成邱墟。
迢遞還鄉身是客，宦海頻年徒浪迹。
低頭掩面不忍看，蓬蒿塞徑無人問。
鵲巢一例遭鳩占，輪爾銜泥梁上燕。
龍岡夜眠

容膝屋碧翁淒然淚雨霰

二十二日吳家湖大風飄霰

冷水嗚咽流

恨聲徘徊去住難爲情
天道從來忌滿盈
萬物逆旅等傳舍
倮蟲莫嘲蚊虻須知
茅茨勝覆瓦陋室亦云
吾德馨破涕爲笑揮鞭
行有田尚可歸來耕

吳家湖晚發

春風送我筇輿還
卻仗天公雨雪慳
行過柿林回首看
溼雲低罨舜耕山

官橋遇芰塘往壽春

炎海同迴棹曾無一日離
鄉園暫分首彌復寸心馳
勿勿過粉社行行到芍陂
揚州明月夜花下待傾卮

雜感

眼中多少陌阡荒
衰草黏天黯夕陽
束耒開田人不足
至今雁戶有流亡

縱然刀劍不橫腰
虎視鄉閭氣更驕
良莠叢生須剖別

泮林何日集飛鵠

吾邑文廟大成殿尚未脩復

寇來荷雨瘞凌瓷
瓦裂潭如墮地時

泉莊老人陳泉江西時燒瓷最工吾

邑名之曰凌瓷甫農表弟云昔年賊至埋藏地下賊退取出視之完好如故觸手則皆粉碎矣九石山

房

東園先生別業

空想像圖書零落使人悲

青山伴我筇輿行
大有依依送別情
嶺嶠歸來春正好

如何三日便遄征

過大蜀山一首示謙齋

一峰高聳備五行

山自南看爲金星北看爲火
星東看爲木星西看爲水星堪輿家

言乃少祖蜿蜒穿過大灣山到此昂頭龍似虎迤西小

蜀難頽頽鬱蟠靈脈肥水聚洞裏老蛟飛上天

山有兩
洞曾出

蛟

粵寇縱斧董其巔厥東隱隱見竹樹開福寺外猶葱

芊村夫指點作嚙語上有蜀國移來泉燒痕幾日風吹

綠出郭扶筇看不足虬松補種一萬株巖坳小築數椽

屋朝川詩孫謂何如天教占斷煙霞福

站步偶作

朝發平梁城過午達站步半月三往來於今識歧路

北

定遠南往巢縣官符促行役鄉國難久住請看道旁馬
其東則往全椒風塵日馳驚雄材戀芻豆帖耳任羈鼻驂駒則驚駘伯
樂千載遇荒郊一縱目夕陽屢迴顧

石塘橋望浮槎山

插天屏嶂豁雙眸神往當年湧翠樓

在黃氏半園已毀於賊

帝女

離塵空五蘊名賢作記足千秋道林

寺名

早向山中關泉

乳依然石上流堪與縱陽仙境埒

謂桐城浮山

飛雲何必羨

羅浮

田家寓目

九盡未一旬春氣枝頭足封姨連日忙新翦柳絲綠

大樹街夜雨

凌晨過小峴

山名

晴空撐列嶂顛風撲面來雲車猛奔放

五龍

亦山名

齊掉尾下捲巢湖浪夢醒聞瀟瀟擁衾劇惆

悵

宿全椒有感

負郭無非瓦礫場打頭茅屋且徜徉昔年三隱歸何處
石室桑根蔓草荒

草堂問字四先生

謂汪薰士小亭江笙南黃琴士四先生

多感春風化育

成到此山邱如隔世白頭弟子不勝情

滁州道上作

北譙至南譙迷漫無隴畝田荒十之七見麥疑圓韭豺
狼那畏人聞呼尙徐走多情是東風吹綠半髡柳瑯琊
底用探亂後亭已朽茶仙世罕稱醉翁傳萬口獨存豐
樂碑表彰賢太守遺像永鎮滁純廟標題久如何攬
之去誇示春朋友謂某刺史竊取文忠公遺像事我曩語薛君謂淮生侍御
告官亟索取豈知寇氛熾留藏轉烏有遐瞻發長喟引
起狂飈吼吁嗟行路難雨滑石屏陡

宏濟菴雨夕聞雁

菴在滁州東郭之旁

陽鳥戀南土春深猶未回慣驚詩客夢飛過女牆隈
喉破禪寂溟濛帶雨來菱溪客汝宿鷗鷺漫相猜

輿中短歌

抗塵走俗增惆悵龍蟠

山名虎跑名泉

無暇訪今朝轉驛離

去鄉國

距滁五十五里即入六合縣界

那許踏青游興暢

踏青山在來安今月計行

縣界二十八里

忍寒翻笑微之瘖昂頭遠眺開心顏顛風盡把

凝雲捲露出青青浦口山

雷官集見新月

天公胡不平終日大塊噫陰靈洞披豁黃昏劇稱快蔚
藍若新洗蟾魄一鈎挂心境皆空明衡茅豈云隘

將至六合大風雨書此以慰輿夫

昨夜雲幔收今晨雲幔垂跋烏甫一出狂飈偏倒吹初

看似魚鱗混漾無定姿久之遂渾融罅隙莫可窺青霄
化玉宇伯也威揚箕春光已過半倏若嚴冬時寒氣塞
四郊重裘粟生肌行行近棠邑奔騰來雨師千點復萬
點傾盆瀉淋漓爲閔農望澤宿麥瓊膏滋輿夫乃怨天
泥淖筋力疲與其筋力疲曷不歸畬菑長官昨有令荒
田勤脩治去作大戶佃勿再征途馳啞然還自笑僕僕
將奚爲終當返初服荷裝肥水涯

儀徵郊外桃花

西郊短垣露春色雨淡燕支描不得東郊亦傍危牆開
荒寒那有蜂蝶來無言知爾增煩惱江頭連日顛風掃

安得移根到武陵沿隄都作紅霞蒸

借許氏園作公廨感而賦之

西園新築讓人居半園遭亂非吾廬夢園久矣不成夢
隨遇而安心自舒有竹先堪醫我俗鼠姑抽芽春氣足
就中獨數四照軒後檻叢桂堆綠玉茲園雖小清且幽
安排壺榼招朋儔長安酒人復相見謂吳蓮芬厲伯符
臣昆浩蕩乾坤共拍浮何悔餘吳次垣介

六濠口望山

金焦久別皆無恙獨對銀山動惆悵江邊海客新築樓
那及鷺潭鬼磯壯北固隱隱帆檣間波濤浩渺窮躋攀

石尤阻我不得渡當窗細數青螺鬟

渡江卽景

侵晨風色定且作翳江行三折帆如駛中流浪有聲蒼
茫鬱嵐影空濶壯吟情去去高資鎮狂飈倏又鳴

宿東陽鎮是日行九十五里

龍潭亂後成荒墟攝山眉黛愁不舒桃花無主自開放
蒿萊松徑誰芟鋤與夫汗下方赳赳夕陽在山難徐徐
再行五里有村店昨宵華屋今茅廬

金陵雜咏

朝陽門外路初經突兀龍蟠虎踞形太息孝陵松柏盡

空餘一段蔣山青

入郭仍疑是遠郊縱橫殘甃徑途滑蠶屯蟻聚歸何處
十載幾同幕上巢

渡頭無復柳絲垂笛步荒涼蔓草滋石壩街名依稀門巷
在不堪重詠綺懷詩

直須買醉向僧家拋卻秦淮水一涯畢竟慧圓輪妙相

新栽弱篠伴桃花

慧圓菴僅存牆壁妙相菴賊改爲御花園池館得以無恙凌篠南偕陳蕉

石楊養之
招飲于斯

朝天宮變作鬢宮廟貌莊嚴迥不同羨煞飛霞高閣內

眼光如月氣如虹

韓叔起比部董飛霞間書局事

樓臺灰燼小倉山獅窟愁尋碧血斑鎮日勞勞逐冠蓋

不教蠟屐翠微間

清涼山翠微亭已脩復

彈指光陰二十霜過雲聲調抗王郎只今文字留天壤

欲起知音向北邙

賸卿有送小東族叔四六文許海秋已爲梓行於世

春寒料峭有餘淒朝過東關暮水西我是瞻園舊賓客

怕看燕子又銜泥

瞻園新脩尚未落成



二知軒詩續鈔卷八

定遠方濬頤子箴

古今體詩二百五十三首

己巳四月至十月

何悔餘

斌

前輩同年次吳竹莊中丞韻見贈硌硌

未報復以寄竹翁疊韻詩索和輒依韻走筆率

成八律酬之兼懷竹翁時四月二十八日也

迢遞炎荒四千里囊詩人向蜀岡來爲迎車馬勞冠蓋

竟避騷壇築債臺

予五十餘日未吟一字索題書畫者堆案弗暇顧也

往日蕪城

傳一賦卽今水部掩羣才瓊瑤動我推敲興起情靈於

筆墨灰

竹西市隱樂優游匹伍天隨抗日休傀儡場中消熱念
管絃聲裏破春愁笑它征戰螭分國任爾虛空蜃結樓
贏得海鷗訊鶯燕可能機事兩忘不

孤負洛花開似錦

四照軒牡丹盛開未得一賞

閉門強讀計然書暫

歸冷水真如客有約肥津好卜居擾攘干戈逢世變經
營泉石返吾初晝長倦倚胡牀臥忽覺幽栖得所於

流離幸脫西江難豪邁依然北海風傲俗癯顏林處士
驚人長句顧逋翁竭來把盞傾重碧猶記聯鑣踏軟紅
接武三高洵不媿沈酣叔夜酒杯中

故人不道鹽官俗次第邗溝鼓櫓來

喬鶴儕中丞暨周石君張菊坡潘季

王倪豹岑曰延
芷皆相繼過訪
楓葉蘆花月季名
參幻相近有通州繆陶村種此花變至

八十種各
標名目
瓊絲雪萼弔荒臺敢云玉軸牙籤富都擅通

今博古才
同人咸至寶米齋評書讀畫
最是倪迂謂豹
饒畫癖夜闌

渾忘蠟成灰

款段徒思馬少游
驚駘竭蹶未能休
疏慵那慣成三上

曠達無須賦九愁
漠漠煙迷崔監宅
萋萋草長鄭家樓

平山遺址分明在
爲問鳩工有意不

八公山下方高詠
竹翁詩作于壽州
廿四橋邊枉寄書
雨露

渥霑
螭陛澤旌旄遑返蠡湖居
飛揚洒翰追虔禮竹翁

書譜善樵
清潔持躬學履初
橫絕詞場萬八敵
揮毫能奪楚

宿於三耻齋集長

於疊韻詩

侵晨偶降霰，雨向晚仍吹。淡蕩風倏忽，已過芒種候。

躊躇時夢白頭翁。

時方祈雨

望穿黶黠雲，翻黑盼到臙脂日。

落紅畢竟珠江龍，易起團蕉涼浸綠陰中。

謂西園喜雨亭

齊玉谿

學裴

屬題尊甫梅麓年丈梅花居士第二

圖遺照

髫齡記讀東坡集

予在書塾時集見示朝夕誦讀愛不釋手惜亂後

先大夫以年丈改官

失之老矣斜川識面纔

玉谿年已六十七

嶺上白雲同仰止

先大夫

遺像亦僅存

天邊明月曷歸來。畫圖信足傳詩範，冰雪

原難墮劫灰。

粵寇陷蘇州玉谿負遺照出城

問訊高人陽羨宅，疏籬可

有舊時栽

玉谿次韻見示予亦疊韻酬之

未通警欬先投贈江上豪吟繫纜纔

君舟至維揚卽以六詩見投

降

火頻年人健在雨風十日客遲來故應矢口饒真趣漫

說冥心著死灰金鼎九還無此捷良苗時向寸田栽

次樂初

長善

將軍見贈二首韻

禮數寬吾輩苔岑臭味同驪然談促郝渾忘雨敲篷旌

節來天上威名振粵中長江駕番舶破浪去匆匆

擬乘輪船

江至九

抗爽憐才意憂虞報國心柱膠難鼓瑟絃改必張琴傾

蓋周旋雅銜孟契合深卻慙鞭算困不及柁樓吟

王文成書君子亭記卷爲厲伯符

雪官方伯題

非草非木森箭筠綠卿青士無比倫處困而亨屯不懾

記中語

陽明善爲竹寫真當時一疏忤奄瑾龍場遠謫開

荒榛番夷咸知敬君子大開講舍臯比陳軒前

記中名何陋軒

有亭竹環植猗猗萬个琅玕珍先生對之灑柔翰左顧

右盼怡心神斐然淇澳歌未盡四德要繼歐陽申

歐公句云

竹比君子德

美哉是竹還是人艱貞蒙難完吾身嫌於自名

假之竹

亦用記中語

小子入室窺精純懷勺齋中富收弄瑤

籤錦暉紛斑璘虛中堅外挺節操投簪高臥邗江濱居

恒尙友古君子護持手翰形影親豈惟書法二王匹道

統一髮懸千鈞嗚呼此卷流傳三百六十有二載

攷記尾書

戊辰作蓋至今淡墨猶如新焚香展讀摩挲頻安能日

夕侍亭側消融俗念資陶甄楷模不遠追後塵

繡毼詩畫卷爲伯符題

卷分爲二第一卷郭美命爲仲和王孫作圖首

唱一詩次則王弇州書其少作後有吳明卿張

伯起諸賢題詠凡十九家圖已失去第二卷則

張雪鴻補圖藏劉梧岡家覃谿梧門夢樓簡齋

姬傳治亭諸先生皆有詩伯符得於楚中卷已

斷爛命工重裝續綴題詠先後亦十九家云

宗侯池館集簪裾看到春探錦不如寒玉碎雲團一片
飄零可奈劫灰餘

白門畫手傲徐熙

雪鴻題句云任道徐熙工
刻畫風流輸與詠花人

補出當年

琪樹枝七子風流今想見蘇齋潑墨與論詩

離薺

園名

烽火渺無存展卷難招楚客魂

前卷題詩者多楚人

二十

年來兩題句詩龕老友劇多情

梧門與梧岡爲同年

吾宗壇坫竝稱雄

前卷有方康侯方中美兩公詩

此日拈毫拜下風記

得家園開似雪也曾把盞詠玲瓏

先大父豫圃中繅
毬一株花時最盛予

昔年會賦一詩

史忠正公祠墓遺址圖花樓

兆霖

大令屬題

南都不可爲四鎮復驕橫公以一身支見危甘受命我
朝越前代 賜諡綱紀振衣冠神式憑俎豆延子姓
吁嗟粵寇至棟宇倏灰燼文孫志修復作圖丐題詠有
志事竟成鳩工一何迅魂兮重安有寒梅補芳訊恭逢
嶽降辰 六月十四日 肅拜展吾敬絳雲樓已墟詩人墓碣
贗偷生噫氣節豈若蹈鋒刃年年薦鹽政悲哉爲國殉
茲嶺抗文山邗江永綿亘

平山補柳圖爲僧雪航題

蜀岡一別廿九年重來不敢登其巔樓臺池館委榛莽

風雨蕪城春可憐眼中忽見萬絲綠作畫者誰僧兀谷

未敵瀛洲煙景麗

予昔年曾見兀谷爲西湖靈芝寺蓮衣所作瀛洲補柳圖

差比隋

隄生意足海雲補蕉今補柳佛子婆心世無有芽菴臘

盡挂蒲團瓦礫堆邊荷鋤走當時手植傳歐陽爭名堪

笑薛嗣昌

嗣昌亦種一株自榜曰薛公柳

誰移京口數十本多情糜倅

遠寄將

糜師旦之兄倅京口移楊柳數十本屬揚帥趙子固補植且寄以詩有堂前楊柳補來新之句

山僧清高士夫匹又爲茲堂添故實吾輩須學金長真

鎮

莫使前賢遺址逸行春臺共眞賞樓醵金農隙工先

鳩好栽桃梅間叢桂蒼翠羅列松梧楸從此禪房增韻

事煊染磐頭圖第二明歲長條踈地時行當過訪栖靈

寺

予與邢上諸君議修復平山堂故詩中及之

金公鎮山陰人雍正十二年知揚州府事邑人
刑部主事汪懋麟謀重建平山堂於鎮十三年
堂成會鎮遷驛傳道十四年過揚州屬懋麟拓
堂後地建眞賞樓祀宋諸賢於上堂前臺高數
十尺復行春之舊

題謝伯純姑丈載花圖

鳩茲江上機舟時道光庚戌五月曾至蕪湖咫尺名園未許窺今日
披圖猶艷羨菊天驅犢過東籬

遺墨摩挲一愴然

卷首先大夫題載花圖并系重開一詩後幀云先叔亦有題句

主徑補詩篇少游下澤輸風韻不爲移斲頗著觀

汪虎溪 守愚 貳尹和予舊作隨園卽事四首韻見

寄疊韻代柬

風雅丞何負哦松足嗣音半生殊落拓與世肯浮沈烽

火江頭息珠璣海上吟錦瑟勞遠寄當暑滌煩襟

禿盡倉山樹重來白下游光陰俄廿載大節已千秋 謂雨

生都督 莫道市廛近不如村墅幽龍潭餘瓦礫猿鳥共含

愁

吳趨慵聽鼓彘筆到邢江 令兄龍溪至揚 君與難兄匹

人稱做吏雙采風歌樂府 君復寄示崇明 邀月坐書窗

予延入書局
新樂府七章

努力傳弓冶偕持精進幢

待築肥津屋抽簪長杜門種梅呼鶴守栽柳引蟬喧仕
宦途方雜林泉望或尊它年應過訪萬緣滿坳墩

羅兩峰墨幻圖聯句爲子漢卿

昌遂

刺史題

我從鬼磯來情狀覩之熟曾題鬼趣圖

子箴

已覺調侃

足吁嗟幻境多

齊玉谿

豈有真面目變相肆猖獗

許叔九平

幽若蠻觸裸體插戈矛

箴

衝鋒出崖谷如聽鼙鼓聲

玉

亂擊髑髏肉睽睽互格鬪

叔

瞥見一屍伏山人眼何慧

箴

顧盼窮異族當其下筆時

玉

氣直懾地獄殘燐慘無

色

陰曠聚成毒鬼雄本過人

箴

鬼謀昇潛蓄乘間張

爪牙

玉

未厭谿壑欲倘逢終南鍾

叔

大嚼饘其腹於今

鬼市園

箴

蜃樓架平陸天河洗甲兵

玉

賣刀爭買犢游

魂載一車

叔

化工普亭育生機滿乾坤

箴

瑞雲陰茆屋

入耳聞絃歌

玉

論擬阮瞻續黑風無處吹

叔

夜半鬼母

哭兒孫化為甞

箴

揭鉢難報復畫人莫畫鬼

玉

請看萬

牙纛劫運消蟲沙

叔

凌煙倚天豔堂堂正正師能令邪

魅服

箴

聯句題于湘山

昌進

觀察舊雨軒圖遺卷

廿年久慕令升才

叔平

今日黃壚動我哀

子箴

湘山

門下土家叔母暨兩弟現仍僑寓揚州

修竹千竿留客處

玉谿

披圖恍見

故人來叔

握槩懷鉛吏亦儒

箴 漢卿爲湘山弟予延入書局

龍鍾都笑作詩臞

玉

予與漢卿同居書局

相逢舊雨兼新雨

叔

好築題襟埽綠蕪

箴

題襟館秋日可以落成

卻從邗上思袁浦

玉

滿徑蓬蒿感慨多

叔

羨煞寒亭人

似鶴

箴 卷中有陳壽卿題句故及之

白頭到處有吟窩

玉

聯句題朱貞女頻伽禮佛圖次卷中黃左田尙書

韻

一諾不肯渝死生

叔平

門前掘土樹女貞

子箴

君不見

海甯賢媛矢冰節

叔

廿載始受

朝廷旌

箴

守志嚴於

守軍令叔幼孤母為字周姓箴中閨義明柏舟篇叔之

死靡它但安命箴頂禮空王慰慈母叔阿兄況復多善

政箴謂半塘刺史古來褒節猶褒忠叔已昏未嫁從同同箴

恨不齊衰拜姑翁叔日喧梵唄聲何洪箴五蘊照見塵

緣空叔西方蓮臺高位置箴畢生一字貞不字叔務外

好名妹奚事箴貞女語見半塘圖畧北宮嬰兒史所稱叔手握拳

尼販釋氏箴

聯句題朱半塘恭壽刺史瑣闥詩夢圖遺卷

刺史於道光乙未江南鄉試膺分校之聘闈中

夢得句云織上流黃都是錦夢為胡蝶總成仙

至丁酉科復與分校闈中又夢得句云萬樹綠

溪水一鞭紅夕陽因繪圖徵詩令嗣秉之茂才

今年來邗上手此卷屬題

大謝居西堂

叔平

春草忽成詠後來劍南叟

子箴

團扇

差與并底須搦管哦

叔

故應刻燭勝睡鄉玉尺拋

箴妙

緒錦囊迸枕上暗摸索

叔

趾離助豪興甫聞雅頌聲

箴

先肅壇坫令彈丸脫手出

叔

神來猶未醒雋語耐咀嚼

箴清思絕餽飣黑甜真不負

叔

白戰抑何勁收入摘句

圖

箴

居然埒王孟

叔

次家伯雄

俊

前輩至揚州書局見贈五首韻

禁中夙簪毫微外旋特幢

君昔觀
察迤南

高飛侶冥鴻歸自盤

龍江繫予後塵步敢曰蘇李雙馬推識途老驢笑新生
惹瓦缶莫輕扣耳畔洪鐘撞汪洋萬頃波難通約畧枉
先生惠然來喜聞空谷跽世界縱云濶蜂子紛投窗興
豪豁槩餘角遂收窮龐日下七十城豈止溫原降

校讐延通儒多士獲良產案牘苦叢雜相見色先赧神

明兀未衰石渠昔論撰豪釐剖疑似那至亂東東平時

功力深踏破鐵門限金鑰刮無庸

先生偶
有目疾

瑩澈心如眼

白頭遂初服劬書抱殘簡暑氣秋霖消衝泥偕把瓊

聯句題玉谿還山圖

我昨還山旋出山子箴白雲回首杳莫攀君何寄託忽

作此叔平且復小住茱萸灣茫茫萬頃鋪黃海箴三十

六峰青不改高臥天都亦大佳叔蕉窗劫後殘編在笑

君不耕陽羨田箴往來吳會年復年曷不早辦買山錢

叔為書一幅招隱篇相思獨有肥津水箴棖觸秋風鱸

膾鮮叔

聯句題李如瓊王女史畫冊女史為申耆先生

丹青絕筆擅毘陵叔平才媛興家大父稱見晉書傳得南

田真畫髓子箴甌香不讓女孫冰叔

閨中人物傲徐黃箴風雅居然萃一堂王銘自云一門風雅羨煞

絲窗饒韻事

叔

寫成活色共生香

箴

畫屏無睡待牽牛

得屏字

書院課題擬作

欲把牽牛待中宵倚畫屏也思拚一睡多恐負雙星雲
母花枝折天孫杼柚停銀灣看隱現珠箔障忪惺入夜
橋填鵲塘風扇撲螢淚愁河鼓灑夢合繡牀醒散綵頻
開幔穿鍼或傍橘黃姑原不寐早駕五霞軒

次書局劉珮卿

琤

茂才病後憶夢二首韻

几案羅丹黃辛勤讐魯魚秋雨颯然至爽氣侵簾裾廣
陵耆宿多蒐討功力俱兵戈擾東南里塾嗟無書及茲
寇盜平握槩投秦廬雙瞳皎月懸撥雲昏障除貺我瓊

瑤章體格清以疏白頭興故豪布指彈震餘琴豈惟慕

王孟更欲追應徐家弟謂子嚴交最深放櫂秦淮初每當

文戰完把盞歡合醪端溪渺難涉招入燕城居

屢得嶺外書神往崧臺間故人林子開與李恢垣偕踏

蒼蘚斑代飛若燕雁去冬子嚴入粵子則調任兩淮挂帆俄北還舟行

輒眷戀送客于螺鬟方冬景如春紫翠紛回環一洗慘

淡容妍姿奪素蠻推蓬發遐想所恨鬢脚孱邇來困冠

蓋見子駢我顏浮沈又十載荒落平生患蛟龍助江漲

入夜長潛潛早晚霽色開同社邀劉刪吟成一卷詩遠

遞梅銷關

聯句題汪硯山望紀游畫冊次喬鶴儕松年中丞

韻

我歷九行省

箴

飽看佳山水此身入圖畫

叔平

謳吟

聊復爾媿無董巨筆

箴

鴻岳狀淳峙羨君生面開

叔濡

墨儼記里聽濤焦巖巔

箴

踏月虹橋底燕齊魯越吳

叔

行腳悟禪理選勝時登臨

箴

紀以十四紙尺幅妙包孕

叔

半百忘暮齒

君今年

就中石壁圖

箴

盤旋一鞭指天

門更嵯峨

叔

村落江南似空濛黃海雲

箴

如納纖芥裏

縑帑愛莫釋

叔

偕歎觀止矣

箴

聯句題硯山十二硯齋圖

昔汪蛟門舍人客京師夢得十二硯遂於是年
登第見朱竹垞魏叔子十二硯齋記硯山少時
曾讀書於蛟門百尺梧桐閣閣在京師先後得
十二硯亦以名齋屬蓮溪僧作圖

梧桐百尺森不凋叔平舍人有夢泥金標子箴端溪雲

根巧琢雕叔紫如玫瑰白如蕉箴鵝眼圓潤鳳珠凹箴

黃龍金線界幾條箴厥品獨數青花超叔冰紋魚腦西

洞高箴魏朱作記不律操叔藥階揮灑詩人豪箴君乃

接武華胄遙叔球琳堆案前賢驕箴闌干儼若環周遭

叔摻羅石材富且饒箴畫禪寫意禪暫逃叔蓮溪叔自稱畫禪是

真是夢母輕嘲

箴

翻鵬墨海萬斛潮

叔

有畫盈篋詩滿

瓢

箴

瀟灑勝著宮錦袍

叔

井田亦足雄吾曹

箴

予藏有朱箭河

先生井字視

匏瓜笑我同懸匏

叔

予舊藏匏瓜視

年來禿盡中山毫

箴

吁嗟秦瓢漢瓦埋蓬蒿

叔

願君什襲永寶英瓊瑤

箴

老少年用漁洋秋柳韻

西風爛漫醒吟魂
拄杖來敲薛荔門
轉綠迴黃都有態
脫胎換骨了無痕
半弓錯落迷苔徑
十樣嫋嫋壓蓼村
將葉作花花遜此
艷陽春色共評論

蕭瑟楓林未糝霜
誰移珊樹習家塘
夕陽過處霞成綺
冷露飄時錦出箱
紫府與丹能卻老
金剛不壞故稱王

化工我道多情甚渲染烟波釣叟坊

又著緋衣卸衲衣雞皮三少是耶非飽看牆角秋光好
忘却山中木葉稀逾塞征禽纔送響抱花寒蝶忽爭飛
駐顏久得長生訣要識天和性不違

靈根獨荷彼蒼憐短幹離披舞瘴煙

嶺南老少年無大棟者

隋苑

依然紛璀璨漢宮猶覺倍驚綿

黃者名漢官秋

須知鶴髮還童

日絕勝龍鍾落帽年壽客祇應容汝傲白頭同約醉籬
邊

齋中素心蘭盛開偕叔平聯句

晚花類皆貴

叔平

玉鮓品獨絕高譜惜未詳

子猷

楚騷

昧區別言蕚不言心

叔

綠勝紅紫劣豈知方寸間

叔

朗

若風灑雪澹泊其明志

叔

幽貞彌著節國香中孕含

叔

竟體雅稱潔盎然太和氣

叔

一點珠露綴眾草孰能伍

箴

無人自怡悅深藏避羅綺

叔

空谷芬且烈頗恠夢得

句

箴

柔軟亦何說

劉禹錫詩柔軟美人心

眷念善人室

叔

服膺士

夫列色相羞黃中

箴

冰壺抱瑩澈淡如號國眉

叔

嬌過

魚子纈蠟梅差彷彿

箴

玉蘂足顏頰延陵本素交

叔

吳介

臣侍御先贈四盆

剛腸化石鐵將軍亦不俗

箴

朱顯庭泰戎復以二盆相餉

秀擢閩山傑昨

衷懷申蘊結清挹湘沅風

叔

參戎之爾來自楚南

秀擢閩山傑昨

游厲氏園

箴

伯符園中素心最多招予賞之

邦上無與埒前除惆悵華

允矣不緇涅匪僅同臭味叔坦白夙所折心心互相

印叔媚世笑予拙捫胸壘塊消叔紉佩歡賞迭叔

子久八弟暨姪臻杰孫燕昭同時入半八叔父

作詩誌喜敬步元韻

清芬奕葉普蒙休兩度間關嶺外州子久曾兩果有重

名儕阮裕不妨高尙學譙周婆娑渾忘凋雙鬢卓犖爭

看出一頭努力雲程偕發軔胷中豪氣可吞牛

附原作

鍾琇

乾鵲連旬噪未休一封書直到揚州公門桃李

欣三世臻杰爲子久從家學箕裘恰四周子與

先後入泮距聯步還期騰驥足晚成原自屬龍

今已四十年頭子久年最長阿翁相對掀髯笑黃犢由來勝老牛

示子久八弟疊前韻

風雪長途得暫休殘冬送我到舒州予去冬度嶺北行弟先至安慶為予

假節度歲藻芹薄采歌三疊莫羨敷榮換一周弟於七月初六日率臻杰

燕昭還鄉應試八月又報充閭開笑口昨得家書弟底

十七日即得喜音須搔髮感平頭弟明年四十從今共奮丹霄翮陳迹嗤它似

磨牛

示姪臻杰三疊前韻

訝汝垂髫問不休在廣州日八叔父親課杰姪讀書勝衣鼓篋向濠州

名駒我愛毛旋背雛鳳人誇冠矩周定卜千尋盡雲表
已看百尺進竿頭世間大抵皆皮相誰識崇牛越憶牛

示孫燕昭四疊前韻

樂事今年得五休烽煙漸已息涼州

大兄今春銓授平慶涇道於七月望

後出都

能文願學黃江夏善讓無如少室周畢竟軍威逾

瀚上肯教風色滯湖頭

舟至肝胎登岸可以直達邗上

歸來灌辟功毋

懈吐出光芒貫斗牛

題詩仙圖

嘉儀

女史詩草

不圖詠絮才分得浣花筆了無脂粉氣都從性靈出韓

公老博士

見南齊裴皇后傳

文辭徒綺密擬古非襲古今踈此

倚匹

佛手柑

此身卽是菩提樹悟出解機豎指參未必拈花還卓錫
儼然合十又摩三幻形非復羅浮種清供最宜彌勒龕
自有靈芽通鼻觀不須接引已和南

僧鞋菊

東籬路近遠公廬不踏紅塵本淡如林下結趺真慣矣
霜中行脚乍歸與要知去濁生香日迥異挖泥帶水初
一笑櫻芒無此韻可勞白足徑邊鋤

次金眉生

安清

同集悔餘前輩齋中見贈三首韻

沈埋簿書叢企羨松菊主廳輪鼓凝雲向晚歸岫阻蹉
跎俄十秋毫未竟奚補無已防屬垣差免謂越俎如君
劇閒曠新搖洞庭艣移船到邢溝局促羞賃廡素交重
把臂胸膈快傾吐座間逢車公奚必效鄭五大道日以
遠乃思變齊魯每貽愴父笑或爲古人許可憐舞醯雞
那解辨璞鼠怪哉城府地幽窅因唐舉與其脫穎出曷
若囊中處履險心自夷回甘味先苦逍遙乘虛舟奮迅
委強弩搏沙非偶然剪燭更覲縷

宏才筦度支劉李後誰繼祝子刀善藏慙予帚云做登
場似傀儡一絲久牽綴怕看阿堵物顧令理財幣放眼

輕時流我輩自標置寵辱了不驚乘除識天意家風大

小山

謂悔翁

守此棲遁志曩者在京洛輒紅踏連騎投林

樂何如且戢排虛翹光明鞿芬室時有嘉客戾更深亂
觥籌夜永堆燭淚重陽今歲晴東籬課花事羣嗤無口
匏錄錄空備位告往旋知來竊慕言詩賜磊落鴛湖賓
興酣首拔幟倉黃學子瞻趁筆倒胸臆

春暮甫合并

君三月曾至揚州

銜盃暢襟抱告我將楚游湘中

山色好別來十餘載鬚鬢各蒼老江湖風浪多收帆本
宜早冥心觀世態誕妄出意表淵明琴無絃古調知音
少圭璧埋泥沙賦硤反爲寶相期不朽業眞樸斂浮藻

鵲鵲紛叫喚筆陣堪橫掃
清默區分毀譽任顛倒
九重天宇拓井蛙見胡小
對月忽僊舞蓬蓬酒入腦
怡然脫拘鎖海上拾瑤草

寶米齋菊花盛開叔平張之以詩索予同作即步

其韻

題襟館未修

館向在署西偏八月二十六日移居時館猶未築

倩花醫我俗園

丁莫種樹去去先買菊十友茲爲佳
端伯善品目秋容
一何艷璀璨堆滿屋禽華富
庶色五美可云六商臚正
獨謝繁汝生氣足霜中傲
凡卉寒態殊瑟縮貞秀青松
嶠孤高晚節獨百本羅軒庭
公餘恣眺矚猶恨瘦不肥

花小若罌粟懸瓶補壁空

去聲

拗折幾枝綠匪等離落間

亂頭與粗服塵根大清淨俱養泉一掬天然愛蕭疏那

肯鬪繁縟遂令長水客把盞唾珠玉

菊生先賦菊影二律

夜闌豪

興發飽嚼雙螯肉長生還久視信擅神仙福江園人又

來霞綺兩肩簇

小雲觀察之花甲於邗上

貽我三十盆珊瑚陋金谷

誰謂百慧叢不堪駐芳躅笑它紅都勝妍媚遜幽馥無

怪史范劉稱引蘇篇牘逍遙三徑內閉戶樂過軸對花

慙白髮流光彈指速草堂已灰燼韻事渺難續海幢花

亦好勝境繫心曲

廣州海幢寺僧善時菊

長安秋爛漫出郭散愁

斛

曩在都門秋日必往天甯寺買菊

葉譜今不存誰能繼摺錄

潁州葉縣天菊

諸多至三百六
十種亂後失去
亟思營老圃投簪屏旌森平阿種最多

賽過菊江麓

懷遠菊花
昔年最盛

鴉鋤手自攜歸歟侶樵牧輕體

餌上藥少休毋踰鞠傳公入我室鼻觀冷香觸君詩絕
華藻願乃單攻複晴窗細推敲寫影更燒燭步武追陶
翁底爲累符竹

睂生用予集中梅影詩韻賦菊影二首作此以報

爲花寫照鬪詩心鏤雪妝霞碎剪金空色相參宜面壁
秋容如畫合拋衾看它兀傲凌霜態費我低徊刻燭吟

到眼分明人比瘦醉歸踏月向江潯

君時居
舟中

重幃不怕雨風摧徙倚涼宵卻睡媒堪笑頻年籬下寄

渾疑三徑夢中同
蕭疏有致張燈現
淡漠傳神點筆催
難得聯翩佳友至
化身都帶晚香來

有感疊前韻

久矣雲無出岫心
驚駘不分勒黃金
迷漫易觸皆塵網
幽獨難欺是影衾
二頃田荒躬闢墾
一編夜靜語呻吟
長饒問我歸何處
肥上春深綠滿潯

霜天勁草疾風摧
野鶴盤空瞥見媒
灌莽沿隄征軸絳
怒潮噴雪畫橋回
絲恩髮怨都拋卻
幕鼓晨鐘莫更催
打破愁城澆塊壘
王郎早晚過江來

昨得謙齋
自門書

答肩生三疊前韻

螳螂偏動捕蟬心舌鼓如簧口鑠金等是泥塗甘墮甑

問誰蓬閣念同衾

錢起詩此時蓬閣友應念昔同衾

洞觀早悟乘除理

散髮聊爲放浪吟寄語桃花休笑我醉尋漁父泛溪潯

鈍槌遮莫利錐摧松竹貪閒巧作媒五斗焉能困陶令

一丸真欲乞方回投林鳥尚鳩巢覓

卜居未得

倦舞人難搗

鼓催弩力消融塵障淨會須兩覺證如來

遲謙齋不至慨然有作

有客有客青溪邊瓦礫蓬蒿間胡懸板橋行盡不見人

析地悲歌空拔劍五日爲期候逾旬

君來書云八月廿三日抵白門小住

五六日卽渡江乃忽忽已半月矣

或者瞻園數開宴暮春一約直到冬

朝川閉門遊興倦君能風隱我風官蝸角動遭蠻觸戰
江頭圓月光易缺嶺外浮雲態多變風濤易阻退鷁飛
瘴霧難禁毒龍橫海燕栖梁等逆旅春蠶作繭自縛纏
本來怕登傀儡場幡然轉遂林壑願相期什襲祕瑰寶
世無良工莫輕銜道遙津畔好結鄰明歲支筇課耕佃

散步後園作

忽忽十日不出門若馬伏櫪鳥入樊園叟笑我常窺園

祠北空築儀董軒

董子祠後屋
擬署此額

水精之域延朝暉

池北
築屋

三面共九楹窗
牖皆嵌頗黎

栽花插柳成江村木犀十本種最早綠

玉翻風傲叢篠絳桃細梅位置巧或倚闌檻或環沼雨

潤雙桐青不槁松塔栽栽冠林表

其南築土成三峰週遭種樹寶塔松最高

有井

即董子井

足灌菜三畦晚菘着霜抽嫩莢往者題襟館

在西涉江取材來何遲召匠亟爲官修治蹤迹要與留
鴻泥謂我爲主已如客故鄉草沒羅合宅同室操戈助
鴟嚇道旁聞之皆咄咄行將遜矣適其適探幽愛躡東
坡屐

次眉生詠蟹羹用予集中鼻煙韻

江鄉斷緯蕭公子橫行至蹢躅負背匡約略具口鼻

見蟹譜

傳肱譜分明呂亢圖髣髴非徒壓老羹可以療胃氣

昌娥肉胡薄西施乳太膩烹燂費薪炭縷切雜椒桂生

憎蝦王鬚多恐蛤佛淚維茲一品膏堪敵八珍味冷蟾

差頡頏鍊鶴漫比例駢羅內宴饌

宋仁宗內宴十閣分各進饌有新蟹一品

二十枚不食仰宋帝錫封含黃伯匪獨劉盧嗜重以螯德

充敢云足材細嶺外攬菊白

廣州人喜以菊蟹合作羹

筵前壓齊翠

關尹書試讀胥螯法皆備勝它甌七寶陋彼糟一器稻

芒已納輸蘆根遂矜貴沙鉤撥棹過郭索擁劍綴厭寄

蛇蟺穴羞登鮑魚肆筵舌常罷持洗手卻工製信與江

虾殊亦豈海蚌類鮮腥善調和經絡暢凝滯美矣沸鼎

餘雄哉下紫際水族曹邱推爾雅蔡謨累紛然卸甲胃

羌乃靖烽燧休訝彭越醢頓驚王吉睡憐渠竭朴苦羨

汝蘊中粹凡上爭飽嘗饗邊防捉醉滋生亭林湖繁衍

通泰地子腹慙空枵君詩悟禪諦

君詩有膳入護世城人到歡喜地之句

百宜

亦美名

無此宜張府後人企

幸張府節略第十一益五珍膾螯蟹清羹

喜謙齋至以此索詩

焦山於我緣何慳寒潮正長瓜步灣焦山於君似相約

好風吹上松寥閣問君可有遊山詩閉口但觀壁上題

爲耽閒適怕吟詠浩蕩已成白鷗性君來蕪城須放歌

指揮諸軍如鸛鷺欺人勿聽徐陵語

毅甫教君詩以生罌爲上

少陵

何嘗作詩苦

熙臣表弟三月來揚州七月歸懷遠絕未贈之以

詩頗挈姪屬至袁浦將北上復挈舟來看子深
感其意因補和子聽九弟春日贈熙臣用東坡

韻二首送別兼寄子聽

權渦淮汴洪湖水涸能達通路無

君八月來信云欲買舟北上子方以東昌

一帶爲憂欲作書阻之不果

寶米齋中夜枯坐拳帷握手驚歎呼袁

江旅館暫寄孥知我悶損心不娛扁舟候又到邗水感

君爲我行路紆解脫塵縛將歸廬世情鬼蜮吾道孤風

波竟從平地起欲收難收十幅蒲不好蓀蕙逐臭夫騰

輪狂捲畫若哺有書可教子孫讀二休亭仿司空圖撫

掌大笑樂有餘此身化蝶魂夢遠對君走筆償宿逋髯

仙格調窮追摹

送君去巽社湖蚌胎明月今在無冰廳閒暇著書好秦
箏嬾向當壚呼鶴俸雖微足養孥輒紅罷踏經籍娛阿
連與子最款洽遠隔吳會增煩紆鯁生神往金馬廬雕
鶚失羣羽翮孤臥疴枉負脊令約謂子嚴無緣再餉安期
蒲高論可許師潛夫閑關習靜忘朝晡諸君年少各努
力草堂新懸家慶圖北望督亢南姑餘薄視錦繡猶營
遽晚鴉倦飛尾畢逋浮雲變態焉足摹

子嚴五弟遣僕持書航海而至疊前韻寄之

身邦溝心滙湖得似三蘇會合無痛癢相關出天性急

難每有良朋呼不忍遠去拋吾孥悶來唯以詩自娛迴

頭下山徑最直險絕且避羊腸紆蹉跎垂老思結廬瀟

湘渺矣征雁孤

謂子敦七弟

雖非名駒亦騰躍

大兒已入陝

野鷗

大可眠菰蒲還作識字耕田夫林泉嘯傲旦復哺扶搖

九萬望吾子斥鷃誰敢輕鵬圖浮生廿載波濤餘未能

寧過空慕遠近聞折柬招林逋

謂薌谿

清癯拔俗吾心慕

詹生以詩廣予四疊前韻奉酬

白牛塘鴛鴦湖煙波浩渺凌虛無梅花開時道人出暗

香浮月如可呼

君示予重修梅花道人墓記

果然清高鶴作孥履脫

富貴山水娛素心聊與共晨夕橫舟廣陵歸思紆面目

得見眞匡廬有友奚至嚶鳴孤風塵落落知己少往時
慷慨空伏蒲雄才倚馬敵萬夫以戈揮日日不晡終南
仙翁在何許頗欲注目寰瀛圖化爲神奇臭腐餘枝葉
脫盡生茵蔯吳江道上誰先逋陰符發篋亟揣摩

次睂生韻

江上浮蹤忽聚萍罷談磨蝎命宮星須知閭室生虛白
試看荒園有凍青蠻觸幾時爭始息邯鄲此日夢初醒
投竿且復眠鷗渚不願三登來雁亭

在大庾嶺北

平生得失寸心知歲月蹉跎少壯時躍馬爭誇投筆早
沐猴都笑挂冠遲搶飛蜩鷺嘲莊叟曼衍魚龍戲偃師

安得與君偕理櫂白公隄畔采蓴絲

示眉生五疊前韻

岳陽樓洞庭湖曩日遊蹤曾到無詩膽我不敵君壯

君今

年有登岳陽樓弔前明熊經畧長歌又有感懷四律掉頭走避龍宮呼

予自辛亥相江之厄

登舟卽有戒心十年監司祿及孥簿書而外文字娛從今遂我

山野性腰間底用青紫紆浩蕩乾坤爲室廬莫問休咎

占虛孤名場桎梏幸擺脫隴畝自分儕茅蒲患得患失

真鄙夫晚景惜此斜陽晡它年扶杖更相見九老可繼

香山圖推枰斂子打劫餘三杯陶然話羲遠甘避大戶

成酒逋笠屐還倩山僧摹

欲免蓮溪作寄傲圖

前月白季生丈往杭州屬作遊西湖詩計日將歸

詩以致之六疊前韻

我所思明聖湖錦峰繡嶺天下無昔年重九送遊興野

鶴徑向松巔

閣名

呼蓮衣棄官復捨孥不談梵夾詩酒娛

兩屏六舟老方丈縱橫扼底龍蛇紆湖上一一探精廬

歸來旅館形影孤雲山五路看不足錢江早冬帆懸蒲

先生豪雄如壯夫腰腳疾走每到晡相思廿載別西子

動我遊興真不圖頽垣斷井烽火餘老嬾自恨年過蘧

懸知霜天梅嫁逋催妝雅詠變格摹

題盧雨人

爲霖

總戎壯遊圖七疊前韻

破金柱下蕪湖雄心誓掃氛祲無辛亥應募甫十九衣
短後衣奮臂呼十年轉戰不攜孥功成朝野皆歡娛甲
寅之役厥功偉克滬援皖征途紆忽念岷峨歸吾廬晨
昏休令子職孤移孝作忠再浮海枕戈學書仍折蒲將
軍能文異武夫雅歌投壺朝至晡惜哉已放澗州棹無
緣乞寫簞簞圖聞君工畫竹手卻熊羆談笑餘知君者誰曰
叔蓮見君自記癸丑從嗣父叔蓮公充水軍前敵而今螻蟻紛逃遁鬚眉待
續凌煙墓

示謙齋八疊前韻

清涼山元武湖功臣十廟今已無江左七子半黃土弔

古誰與同悲呼柳州曾云大生孳從遊惜少隨清娛過
江戀戀枕江閣低徊三宿桑下紆移舟浮玉斂佛廬樓
觀未築鐘磬孤爲言妙高委榛莽鳩工近始資羸蒲酸
鹹殊俗廬雲夫索觀玉帶天將晡嗟予到此阻遊興眼
前又覩朋甲圖傲然那肯拾唾餘君能學甯我愧蓮詩
債未了不可逋停杯且把金焦摹

寒窗遣興用少陵十五首韻聯句

朔風振寒蕤

王謙齋

素月凝冬心

許叔平

耿耿不成寐

方子箴

曠懷觀古今

謙

天地一蘧廬

叔

萬籟涵元音

箴

人生大化內

謙

安能拘尺尋

叔

我自適其適

箴

拙哉彼

東林謙

承平昔無事

叔

百僚肅官府

箴

士庶皆恬熙

謙

耕作昭

疾苦

叔

朝廷普仁愛

箴

寬大弛網罟

謙

休養二百年

叔

寰海富生聚

箴

君明臣則良

謙

選舉慎所取

叔

弱冠入京洛

箴

壯志在四方

謙

直上黃金臺

叔

樂此化

日長

箴

西山鬱蒼翠

謙

朝夕永眺望

叔

蓬瀛侶鸛鷺

箴

道路無豺狼

謙

命儔樂觴詠

叔

老我淒雁行

箴

懷子健三弟

鴻爪印殘雪

謙

馬耳吹東風

叔

纔居安樂國

箴

倏墮荆

棘叢

謙

機槍射蒼梧

叔

所過人民空

箴

虐焰熾湘鄂

謙

巢穴窺江東

叔

藐爾彈丸區

箴

浩歌同谷中

謙

虎頭空有相

叔

猿臂誰能攀

箴

坐令兕出柙

謙

半如蟲

負山

叔

長驅犯畿輔

箴

蔓延鞏洛間

謙

羣醜揭竿起

叔

荷戈鮮生還

箴

百戰奏膚公

謙

露布迴

天顏

叔

離鄉十五載

箴

市廛餘瓦礫

謙

只見浮山青

叔

空環冶

谿碧

箴

輞川汴淪漣

謙

淒音渺箏笛

叔

荒寒南北譙

箴

春農尙衣綌

謙

江淮苦彫敝

叔

胡爲又南發

箴

勞生倦戎馬

謙

偕臥袁

安雪

叔

蒿目蕪城蕪

箴

雍涼寇未滅

謙

天心久厭亂

叔

努力奮旌節

箴

異味蕭艾鉏

謙

熱腸冰雪煎

叔

樊籠鶴不舞

箴

峻坂馬

不前謙人事易反覆叔天道胡茫然箴君看巖穴士謙

避世羞乞憐叔

往者嵇阮流箴不為禮法縛謙放浪遺形骸叔到處可

插腳箴上與造物遊謙枯榮電光爍叔冥心息羣動箴

業白淨諸惡謙

古鏡黑如漆叔中孕明月光箴栽栽棟梁材謙雜生榆

柳行叔桔槔善俯仰箴弩末弱轉強謙高岸條成谷叔

平原化為岡箴

穿底鹿幻蕉謙金裏龜泣桑叔侏儒有時飽箴焦僥何

日長謙陽戰陰必疑叔中乾外奚強箴宇宙本無心謙

一氣通混茫叔

驂鸞海上遊箴 泛覽十洲記謙 醉擘麒麟脯叔 搔背殊

快意箴 宣尼與楊墨謙 登仙皆不異叔 丹砂倘可求箴

屏棄人間事謙

野馬紛塵埃叔 醯雞見大道箴 圓通破機械謙 心腴形

不槁叔 鶻鶻爾有知箴 蟬蛻任遲早謙 逍遙遊天池叔

蕩然豁懷抱箴

心性戒定慧謙 所爭亦聖狂叔 吾儒陷理窟箴 主靜逃

佛鄉謙 輪迴尙有之叔 南宗今已亡箴 夜聽百八鐘謙

世界原清涼叔

咄咄三詩翁

箴

撚髭到深夜

謙

真率吐肝膈

叔

搏撫塗

澤謝

箴

晚節堪傲菊

謙

老境足啖蔗

叔

潛消不平氣

箴

那顧世人咤

謙

紀夢用少陵寄韓諫議韻

我我高門榜寥陽
星冠環坐玉局牀
殿前黃龍倚醉客
舉手招我談鴻荒
昨宵王母有書至
桃熟尚須八百霜
丹房深閉絳雲護
何人洞口鞭鸞鳳
九疑山中鬱靈霧
曷訪羅郁過三湘
呼童飲以瓊玉漿
忽覩青鳥翩我旁
須臾乘風到翠水
白環瑤幹賦材良
別來琳宇五十紀
紅塵墮落心自傷
萬枝碧素艷於雪
夜靜未敢尋密香

欲窺綠笈敞元室一離耳畔鳴歸昌頗黎窗外日光皎
披衣冥想流霞堂

次右丞鞞川集二十絕句韻聯句

孟城坳

坳垓鞞川口

叔平

新栽數株柳

子箴

良朋相往還

叔

風

景四時有

箴

華子岡

麻源谷第三

箴

栽栽嫩翠色

叔

幽居慕康樂

箴

懷古眇

無極

叔

文杏館

華不飾玳梁

叔

橫差勝衡宇

箴

朝看終南雲

叔

暮聽終

南雨

箴

斤竹嶺

風過成天籟

箴

雲捎幻水漪

叔

儼然陽嶼景

箴

卻少俗

人知

叔

鹿柴

呦呦何處聲

叔

如應衆山響

箴

稀疏鹿眼籬

叔

留待月

輪上

箴

木蘭柴

寥阗仿楚辭

箴

靈均堪作侶

叔

花時香滿衣

箴

隔歌殊

得所叔

茱萸泝

紅紫媚春色叔

離離三月開

叔

秋風新釀熟

叔

登高醉

一杯箴

宮槐陌

夾道種青槐

箴

喬柯生碧苔

叔

遮將紅日影

箴

招得故

人來叔

臨湖亭

一水明如鏡

叔

清風四面來

箴

臨波時靜坐

叔

知爲藕

花開箴

南垞

呼垞學竟人

箴

遙望不可即

叔

迷漫掉舟至

箴

雲物似

曾識

叔

欽湖

居然張樂地

叔

可迂洞庭君

箴

天半簫聲起

叔

湖光漾

水雲

箴

柳浪

萬縷黃金線

箴

垂垂蘸碧漪

叔

灞橋無此色

箴

底事說

將離

叔

樂家瀨

清泉沙上流

叔

鼎若水銀瀉

箴

泠泠奏絲竹

叔

賺得樵

天下

箴

金屑泉

也同句漏砂

箴

遐想松喬歲

叔

鍊成鎖子骨

箴

靈樞問

黃帝

叔

白石灘

波紋皺粼粼

叔

倚樹釣竿把

箴

彷彿嚴陵灘

叔

魚跳綠

陰下

箴

北垞

垞邊半臺榭

箴

傍水有紅欄

叔

開窗向南望

箴

山色浮

雲端叔

竹裏館

簣簴千萬竿叔時作青鸞嘯箴風來影動搖叔簾外篩

夕照箴

辛夷塢

紅霞一片明箴木筆初破萼叔迎春開獨遲箴偏其桃

花落叔

漆園

愛讀逍遙遊叔曠達謝塵務箴不見木能壽叔擁腫櫟

社樹箴

椒園

馨香實盈把

箴

蕃衍美風人

叔

新篔簹種秫

箴

堪傲陶

徵君

叔

燕昭步叔平菊屏五古韻頗有可觀詩以勗之

水馬遊魚名句誇不如歌詠霜中花嗚呼公雅汝有八

千卷興宗何至愁無家一日誦完兩都賦髫齡卽在西

軒住

予十二歲時

先大父教讀兩都賦

一日成誦是年侍

山早遠志難成已垂暮

予少時戲以

遠志白名

望汝努力耕寶田

雕蟲小技姑舍旃蓄畬經訓勤且專我知鑄硯圖堪傳

予昔年曾浼施墨

擬文作鑄硯圖

奮飛直到瀛洲邊後來文章願假一

盡手老夫挂冠歸去殊陶然嗚呼築夢園仿豫圃臥聽
書聲月過午家公自信知止足婆娑且向桑間舞有汝
我爲松菊主

次右丞田園樂七首韻聯句

且喜桑麻匝徑

王謙齋

居然風月爲鄰

方子箴

大有松

石間意

謙

自謂羲皇上人

箴

繞屋種秫萬樹

謙

舉網得魚一雙

箴

聽水行過東瀼

謙

看山挂起西窗

箴

柳岸溪光澹沱

謙

楓林石徑橫斜

箴

打槳來從何處

謙

支筇去訪誰家

箴

一鵝桃花紅暖謙 干竿竹影翠寒箴 偃仰枳籬茅屋謙

安排草服黃冠箴

打麥前村後村謙 叱犢高原平原箴 當午野人蔭暍謙

斜陽稚子候門箴

雪片颺開帘影謙 雨絲罨住炊煙箴 閉戶終朝輒飽謙

索綯今夜遲眠箴

綠野繡鋪芳草謙 寒濤晴捲蒼松箴 谷遠樵斤送響謙

灘高水碓爭春箴

次梁簡文烏棲曲韻聯句

流蘇斗帳五色紵叔 鳳釵亂撥燈花落箴 癡心牛女渡

銀河謙鵲橋填滿水不波叔

蛺蝶裙掩金鳳鈎簾蜻蜓帽颭玉搔頭謙寶鴨無聲屑

黃熟叔池上鴛鴦交頸宿簾

綠楊暗引油碧車謙青樓道是蘇小家叔紅鸞拖尾樹

上棲簾珍珠一串鶯聲低謙

悄立花陰泥濺膝叔蝦鬚偶放爐香出簾梨渦淺暈想

夫憐謙含睇宜笑嬌不前叔

次少陵江畔獨步尋花七絕句韻聯句

臨江草堂春寒薄叔平出門見花喜欲狂謙齋老夫斷

酒已一月芷春鄰家爲我注糟牀子箴

楊柳作絲垂水濱

叔

年時記踏曲江春

謙

杖藜緩步過

橋去

正

多恐花枝解笑人

箴

竹籬茅舍是誰家

叔

幾樹天桃亂着花

謙

春水方生紅

夾岸

正

武陵端不在天涯

箴

石溪溪邊橫野烟

叔

花態綽約人皆憐

謙

天公休遣封

姨妬

正

留取濃香醉綺筵

箴

迷離不分路西東

叔

雛鶯乳燕競隨風

謙

繁花高下圍

如幄

正

一抹斜陽相映紅

箴

鎮日看花花成蹊

叔

三枝五枝帽簷低

謙

遊蜂泥我難

爲別

正

好鳥迎人不住啼

箴

我爲尋春慣早起

叔

向晚寺鐘莫漫催

謙

青銅買酒時

時醉

正

白髮看花歲歲開

箴

趙心泉

鴻儀

農部屬題尊甫蘭友先生雪舫傳觴

圖遺照用卷中何子貞前輩同年韻

圖作於道光丙申臘月初五日爲先生周甲之
辰時以揚州司馬兼攝郡符適林文忠公以江
督入覲北上先生與文忠爲辛未同年至瓜
洲迎謁時天寒欲雪文忠於舟中舉觴爲先生
壽因命畫師繪圖見先生自記文忠題七古一

章

先生昔未見想像須眉好擊舟到袁江客子殊憐憫

道

辛丑願會試報罷返里冬月至袁弟兄十年別倏忽成

江適先生公出未歸留二日即行

二老披圖仰父執先生曩與先大夫同官中書交最契江干證泥爪我

我中丞公古誼鬱懷抱永堅歲寒盟寸管吐滂浩於今

兩仙人已返蓬萊島瑤池看玉戲爛醉嚼火棗先生早

歸田婆娑登壽考先生壽八十五君能體先志行作采芝皓

君

農部十餘載今年已六十一歲長安曩同遊踏雪忘昏曉邇來始索詩

老矣乏華藻君猶未歸雲我乃倦飛鳥珍弄嶺上圖

先

通奉公遺像尚子孫兩家寶虛舟避風濤天公方弄巧

石嶺上白雲圖

迷漫銀世界萬斛愁盡掃委心任自然榮枯還大造宅

年再相逢祝君是胡杲

小雪日仿昌黎感春體用原韻聯句

殘菊傲霜早梅開

謙齋

六陰將盡陽欲回

叔平

有客渡

江已放櫂

子箴 心泉於是日往鎮江

無事讀畫仍銜杯

謙

燕領虎

頭一時傑

叔方伯翰仙觀察謂張小圃

煨芋燒筍羣彥陪

箴

天涯但

得長聚首

謙

雖曰搏沙亦快哉

叔

小齋朝朝良朋來

箴

苦吟笑我恒遲回

謙

模糊老眼愁

識字

叔

胸中何能著點埃

箴

平山遺址久欲訪

謙

舊壘

頗憶軍背鬼

叔

閉關不出二十日

箴

園林結精工剪裁

謙

宵深闌韻寒柝催

叔

意如抽絲往復回

箴

軒窗皎皎白

月出

謙

清談霏屑心曠哉

叔

傳聞番舶江上駛

箴

道遠

亟盼家書來

謙

做廬皖水情更切

叔

不知許事呼樽疊

箴

從軍廿載昨始回

謙

冬烘垂老羣兒哈

叔

團雲散雪繁

魂夢

箴

昨與心泉話春

但見十丈飛黃埃

謙

春明朋

侶絕問訊

叔

邗江過客紛然來

箴

吁嗟勞燕無定所

謙

一邱一壑殊樂哉

叔

黃梅開後紅梅開

箴

舊雨未去今雨來

謙

各傾懷抱豁

城府

叔

了無建樹酬涓埃

箴

鬚鬢若此且行樂

謙

小飲

肯令玉山頽叔 形骸不覺已俱化箴 浩歌更喜陽春回

謙

雜述三言聯句

腹如囊箴 口如瓶叔 眼如箕謙 心如旌箴 虎傳翼叔 馬

生角謙 貂續尾箴 蛇添足叔 海水立謙 天門開箴 高岸

谷叔 懸崖蹊謙 釣直鉤箴 伸曲尺叔 碾方輪謙 完碎壁

箴 饑畫餅叔 能充饑謙 危累卵箴 偏不危叔 月吐華謙

日抱珥箴 河千年叔 清可俟謙

擬善哉行用原韻聯句

來日大難叔 銀河畫乾箴 今日何日謙 烏鵲聲歡叔

一解

繫舟神山箴 瑤草翩翩謙 道逢袁公叔 弄青白丸

箴 二解

元氣內閉謙 不風自寒叔 蛇影在杯箴 忽病

杜宣謙 三解

四門洞開叔 青雲可干箴 載詠緇衣謙

適館授餐叔 四解

歡日正永箴 其樂孔多謙 戚日無

憂叔 拍手高歌箴 五解

咫尺蓬萊謙 盪滌塵煩叔 壺

中天地箴 變化萬端謙 六解

擬少陵屏跡三首用原韻聯句

胞與徒虛願謙

幽栖寡俗情箴 園林隨處好謙 臺榭幾

時成箴

老去聲名重謙 人間毀譽輕箴 逍遙且招隱謙

邗上水同清箴

仗汝爲詩伴

箴

偕探林壑幽

謙

耆闍青不斷

箴

淮浦綠

交流

謙

聊復師三拜

箴

何須續四愁

謙

招來麋鹿友

箴

底羨爛羊頭

謙

壯年頻浪跡

謙

伏處任酣臥

箴

水落遊魚潛

謙

雲開賓

雁過

箴

昆季共承歡

謙

兒孫自督課

箴

含哺詠太平

謙

唾壺休擊破

箴

聞睂生觴客梅花嶺用少陵重過何氏五首韻聯

句代柬

快踏揚州月

謙

春風屢致書

箴

未逢長水客

謙

先

宿贊公廬

箴

淡蕩忘機鷺

謙

奔騰脫網魚

箴

宿贊公廬

謙

梅花香放否謙北郭愛幽居箴

半壁危將破箴孤忠矢不移謙督師調悍鎮箴鈞黨誤

乾兒謙世守衣冠菊箴祠鄰愛敬陂謙乾坤方震憾箴

正氣固藩籬謙

惆悵栽花地謙縱橫築壘時箴江山驚換劫謙祠宇補

題詩箴予今夏甫題史忠正公祠墓圖卷已繞廊三折謙多添柳萬絲

箴未能追盛會謙宅日訂遊期箴

肅拜明禋薦箴予今年兩祭公祠狂歌引興長謙揭來開酒陣

箴可許闕茶槍謙我媿豐年玉箴君真儉歲梁謙謂

通知凭畫檻箴麗句寫堂皇謙

勝地慙爲客謙勾留已一年箴待尋隋苑址謙同品蜀

岡泉箴債尙通詩券謙肩生屢慵堪守視田箴松陵

偏不讓謙夜夜燭光然箴予與謙齋叔

解悶聯句用少陵十二首韻

平生作客勝家居謙記否江干識面初叔十廟尋秋同

策蹇箴後湖放棹待叉魚燕昭

猿啼三峽憶夔州叔買醉金牛湖上樓箴如此江山如

此酒燕天生曠達邁時流謙

嶺外栖遲忽九秋箴敢云一簣便成邱燕聽君細說羅

浮勝謙我願乘風到廣州叔

龍興寺廢荒烟裏

燕 今秋荆
旋郡應試

鹿起山空戍火中

謙 艱

難轉徙憐羈客

叔

得失分明悟塞翁

箴

南郭東方共我師

謙

柴桑歸去復奚疑

叔

而今浦上無

箏笛

箴

冰雪唯攜一卷詩

燕

絕無拘束興悠然

叔

此日劉奔句尙傳

箴

買得蓑衣學

漁父

燕

半江楓葉釣新鰻

謙

尊唐薄宋判門徑

箴

抱膝奚如自在吟

燕

獨向滄浪證

三昧

謙

羚羊香象果何心

叔

四傑由來首駱丞

燕

細論詩律畏條藤

謙

江河萬古談

何易

叔

歷塊過都能未能

箴

吾宗摩詰久不作

謙

更誰臥雪貌衰安

叔

飽看畫幃雲

千疊

箴

嫩煮茶甌月一團

燕

潑墨淋漓筆一枝

叔

山重水複路旁迤

箴

紛紛南北區

宗派

燕

除卻黃王未許知

謙

甘香玉版參禪味

箴

沁齒冰壺雪釀成

燕

頗笑東坡偏

嗜肉

謙

紅爐小火足吾生

叔

下帷鎮日勗編蒲

燕

刻燭更深促漏壺

謙

詩興近來濃

似酒

叔

詰朝挑戰更邛須

箴

贈吳次垣

台郎

聯句

同譜於今已卅年

箴

聞雞讓著祖生鞭

謙

燕丹墓下愁

澆酒

箴

駝黑軍中莽控弦

謙

回首英姿空顧盼

箴

驚心

短髮老烽烟

謙

半生哀樂從頭數

箴

讀罷離騷莫問天

謙

科名自昔重郊祁

謙

華妙能嫺大小儀

箴

上苑看花君

獨早

謙

君與令弟介臣已亥同舉

明光起草夜何其

入直

謂君

蟬聯水部輝棠鄂

謙

介臣由

驪唱金臺折

柳枝

箴

乙卯予再入都

太息東南氛祲起

謙

江天嶺

嶺雨相思

箴

故鄉豪傑半從戎

箴

獨讓延陵草檄工

謙

日落笳聲騰

怒馬

箴

宵寒劍氣亘長虹

謙

營軍芒碭諸峯外

箴

失路

陰陵古道中謙銷盡雄心增感喟箴隋隄泥爪印飛鴻謙

只賸紅橋月二分謙梅花嶺上踏殘雲箴江湖浪迹猶

爲客謙肺腑論交更有君箴待築小軒聊說虎謙縱觀

大地等巢蟲箴圖懸景慶天倫樂謙麟閣何須羨策勳

箴

長江詠古用少陵韻聯句

黃鶴樓

神仙那在塵寰外謙狂士難留宇宙間箴一笛梅花辭

漢渚叔孤洲芳草怨荆山燕才生亂世終何補謙羽化

雲霄竟不還箴 勝地於今息烽火叔 高樓依舊時津關燕

大觀亭

清水塘邊萬古悲箴 裏創痛哭斷援師叔 蒼茫落日寒

煙裏燕 想像孤軍百戰時謙 不怕蛟龍驚我夢箴 庚

宿亭西鏡舫夜大 忽聞風鶴起鄉思叔 登臨無限滄桑

雷雨輒成長歌 感燕 收拾殘編待決疑謙 子家藏忠宣青陽

山房集亂後殘缺過半

采石磯

東西兩扇闢天門叔 擐甲來從禹會村燕 鐵船畫翻江

水墨謙 翠螺風捲陣雲昏箴 凌煙空畫功臣像叔 捉月

惟招過客魂燕試上謫仙樓上望諫名山四壁不堪論
箴

文選樓

六代繁華如夢幻燕千秋文藻屬東宮諫齊山況值千

戈後箴蕭寺同歸煙雨中叔緗帙縹囊歸帝子燕青絲

白馬惱家翁諫西陵異日空揮劍箴萬卷灰飛感慨同

叔

黃天蕩

樓船勢扼狂瀾險諫桴鼓聲喧斷岸高箴不是有人通

鶴口叔坐看此水絕鷗毛燕中興首戰推名將諫和議

盈廷誤若曹箴 一自騎驢湖上去叔 金牌飛召歎徒勞

于漢卿昌遂 刺史屬題同舟風雨圖聯句

圖三人宗湘文在岸上漢卿及黃子湘在舟中

狂飈倒捲銀濤噴子箴 濕雲四幕天翻盆謙齋 癡龍鼓

鼉扶桑吞箴 帝召屏翳下九閭謙 迷漫白晝如黃昏箴

逆風難抵江邊村謙 一人張蓋作鴟蹲箴 一人披蓑篙

力擲謙 復有一人躡屣奔箴 欲言招手厥貌惇謙 若咒

在柙虱處禪箴 曰恃忠信心堪捫謙 隨波逐流任簸掀

箴 倏登彼岸離險屯謙 三君子者古誼敦箴 患難相倚

侔弟昆

謙

匪同飄蕩蓬無根

箴

披圖猶覺驚吟魂

謙

然

髭笑對傾匏尊

箴

還欲長繩縛鯨鯢

謙

乘槎共到天河

垠

箴

田家雜興用儲太祝韻聯句

一雨杏花放

謙

社鼓響村墅

叔

把酒招鄰翁

燕

隄邊遇

溪女

箴

條桑亦已茂

謙

綠葉幕園圃

叔

麥苗長千畦

燕

柳陰叫搏黍

箴

老農事東作

謙

荷雨到江渚

叔

有稻足

饁耕

燕

呼婦夜舂杵

箴

衣食歲經營

謙

飽暖勿貪取

叔

我有龍骨車

燕

礪田可變腴

箴

牽牛樹陰臥

謙

得閒樵

且漁

叔

清晨爭插秧

燕

比戶遑安居

箴

驅兒編柴荆

謙

當門樹槐榆

叔

野塘芙蓉開

燕

風來香滿廬

箴

客至具

雞黍

謙

握手相歡呼

叔

主伯告亞旅

燕

明日種瓠壺

箴

穠稔將登場

謙

熙熙婦子樂

叔

今年米價貴

燕

江水繞

城郭

箴

黃雲鋪田稠

謙

新月腰鎌穫

叔

朝來耒板喧

燕

空倉已噪雀

箴

耕鑿荷帝力

謙

賦稅輸京洛

叔

歸去賞

秋花

燕

金英燦籬落

箴

含哺無飢寒

謙

風俗返澆薄

叔

簷前旭日溫

燕

曝背幾父老

箴

宴閒且爲歡

謙

富貴何

足道

叔

風雪柴薪多

燕

萬松皆合抱

箴

開門看畫圖

謙

一幅雲山好

叔

夜來眠土炕

燕

裝綿弗如草

箴

世途畏

險巇

謙

躬耕胡不早

叔

擬元道州宿丹厓翁宅用原韻聯句

山雨一夜飛驚湍

謙

瀧頭水深刺篙難

箴

丹厓聞有高

人臥

謙

潏澗來結林壑歡

箴

高人誅茅踞厓巔

謙

萬竿

脩竹中鳴泉

箴

鹿眠石徑慣迎客

謙

一雙白鶴巢松間

箴

清風明月自吟嘯

謙

此境若在羲皇前

箴

拋手版歸

丹厓

謙

白雲深處堪爲家

箴

老妻種菜兒學釣

謙

翁嬾

抱甕翻水車

箴

赤松黃石將偕遊

謙

我來訪翁棹扁舟

箴

詔書上至徵不起

謙

猗玗怕貽猿鳥羞

箴

次韻眉生擬古四首仿楊鐵崖

靜女怨

椎髻不爲閑掃妝騎鵠不隨鸞與皇穠桃艷李逞姿態
罕聞空谷幽蘭香郎縱有心妾無意禮法自持愁獻媚
不見青樓挾瑟倡飛絮黏泥茵溷墜已焉哉惱人萬丈
情絲長決絕還汝七寶牀朔風吹乾愛河水白首幾會
遲暮傷屏棄鉛華將入道一樹冬青顏色好終朝獨坐
理瑤琴編素勝他金縷金

烈士吟

桃花叱撥迅若飛揮鞭身著短後衣生成射虎好身手
瞳目仰看蚩尤旂時未至須見幾歸來且掩山中扉狂
歌夜擊唾壺碎懷中自有明月璣忽然夢入扶餘國大

呼擒王莫擒賊手握頭顱擲向天精衛毋須再銜石

枯禪偈

蒲團跏趺忘晝夜從此屠刀真放下八垢皆空七妄捐
閉目觀心劇閒暇迷津津漫漫揚濁波寶筏可渡奈我何
西方本有極樂國金剛持杵能降魔朝拜彌勒龕夕禮
梵王幢得常得淨東北雙大千世界聽說法藏通頓漸
傳微茫已入化人城內否二諦三摩不離口打包行腳
任逍遙胡爲兀向蓮臺守

遷客歎

世間萬事莫須有縱橫挽底龍蛇走大公到此都不平

毀棄黃鐘鳴瓦缶暗中摸索作瞋臣奇峯窈窕俄嶙峋
縱無桃源有栗里攜手上追懷葛民棋局紛然淆黑白
隆冬久暖定飛雪可堪平地亦險巇礙道荆榛時踣鐵
吁嗟乎誰云富貴無偏頗翻雲覆雨變態多冥鴻不飛
如弋何冥鴻不飛弋如何

遊仙用香山泛太湖書事寄微之韻聯句

水漫銀河一棹通

謙

芙蓉城闕亘長空

叔

將尋彭祖談

修短

箴

欲向天皇問始終

燕

千歲碧桃團絳雪

謙

九霄

丹桂綻金風

叔

赤霜袍剪蛟絲白

箴

瓊玉鞭捎鳳尾紅

燕

七寶牀前衣縹緞

謙

八霞司裏珮璚瓏

叔

纔騎黃鶴

歸天上

箴

又釣靈鼇過海東

燕

藝杭翻嫌塵夢淺

謙

琅

璈未許俗音同

叔

太虛招我吞鴻脯

箴

身在瑤池閬苑

中

燕

眉生以二絕戲嘲卽次其韻

釣鉤甫脫網羅加不作潛鱗鶴笑差懵懂
疑雲飛又出可能添足畫成蛇

漫許鷓鴣久占枝玉雖無當總名卮
一生低首眉山老縱到烏臺也詠詩

寶米齋夜集用少陵飲中八仙歌韻聯句

眉生夜夜趨歸船

悔餘

擁被孤吟長不眠

叔平

謙齋之

狂狂上天

子箴

醉揮奇字如蝸涎

謙齋

忽而脫帽看龍

泉

悔

叔平詩囊無一錢

叔

足跡遊徧東西川

箴

寓言頗

擬沈下賢

謙

悔餘生同髯蘇年

悔

予生於丙子

長裋一麾花

滿天

叔

樂府突過張王前

箴

次垣盾鼻磨軍前

謙

歸來

坐證維摩禪

悔

子箴篋富三千篇

叔

推敲不許賓朋眠

箴

風波怕踏江頭船

謙

陸行甘讓琴高仙

悔

介臣直節

世所傳

叔

曳裾不到朱門前

箴

空齋兀兀研松烟

謙

竹

林佳會非偶然

悔

明朝有酒還開筵

叔

題范月槎

志熙

司馬仕隱圖用朱伯韓前輩韻

曩者仕可隱寒燈守一瓊

君圖作於丁巳官國子監助教時

槐廳著作

多雅韻諧鳴鑾今者宦淮浦綢繆萬竈安持躬清且廉
寤歌猶考磐披圖候幽意雲氣浮豪端媿予不如君決
計思投簪小山賦招隱宦海嗟迷漫君年甫逾艾底用
青精餐行看陟强臺九折奚辭難

消寒八詠聯句

耳衣

到此垣何屬

歲

非同薤纒垂

叔

天高龍莫聽

謙

風列馬

難吹

歲

暖矣充三漏

叔

翩然勝一披

謙

豈惟鈴可盜

歲

擾擾凍蠅嘴

叔

手爐

畏寒偏執熱

謙

製與博山殊

箴

楫拙霏如屑

叔

薑芽斂

自蘇

謙

搓防融蠟鳳

箴

熨漫觸金鳧

叔

焮掌知應免

謙

朝來點雪無

箴

炙硯

莫阻臨池興

叔

中空且注湯

謙

波融鵲眼活

箴

墨潤兔

毫香

叔

鍛鍊詩無滓

謙

摩挲字有芒

箴

轉嫌呵凍拙

叔

既濟寶文房

謙

薰籠

寒辟芙蓉帳

箴

春回翡翠衾

叔

鳳虬形宛宛

謙

蘭麝夜

沉沉

箴

斜倚人方倦

叔

橫陳暖不禁

謙

惺忪鴛夢醒

箴

悄學玉谿吟叔

雪燈

妙肖阿羅漢謙長明夜坐禪箴煉成三昧火叔幻出六

花天謙銀海光爭炫箴琳宮慧可傳叔忍寒看玉戲謙

不戀短檠邊箴

水盃

良覆能虛受叔還同坎象占謙二升容果足箴一勺取

何廉叔絕勝冰甌凍謙生憎火鼎炎箴寒宵供大嚼叔

那用問酸鹹謙

暖炕

渾忘門外雪角布被有奇溫叔底事圍爐會諫幾如負

曝暄系酣眠無蟻關叔向火異臨蹲諫閒卻湯婆子箴

翻嘲閉戶袁叔

風門

頗厭檀簾暗諫空明護轉牢箴封姨遑伺隙叔穉子敢

辭勞諫賴得重關掩箴由他萬竅號叔客來遲剝啄諫

側耳聽松濤箴

揚州懷古聯句

子胥浦

昨過漁邨渡諫和州在蘆中大有入箴鑿江今放棹燕也

復說垂綸謙

董子井

土中挖斷碣

箴井在運署後園明季鹽運使楊公振熙閣家挖井殉難舊築亭井上顏曰正誼

成仁亂後亭圯碑斷爲二命園丁覓得復置亭上亂後浚寒泉燕太息天人策謙唯餘故址傳箴

陳公塘

百尺樓安在

燕英風懾虎罷謙空留一陂水燕愛敬繫

人思謙

召伯埭

我笑爭墩客

箴難分召伯名燕范公堤並峙謙版築奠

民生歲

戲馬臺

玉鈎斜一道

燕

蹀躞此稱雄

謙

誤卻彭城守

篇

徒勞琢

句工

燕

蕃釐觀

兩從禁苑歸

歲

蕉萃復芬菲

謙

何日八仙聚

燕

傲它金

帶圍

謙

竹西亭

未醒揚州夢

歲

來聽歌吹聲

燕

樊川歸去後

謙

明月也

無情

歲

四達齋

使君絕超曠

燕

戶牖開齊東

諫

園名

難得高軒過

燕

銘留

玉局翁

燕

三至堂

風流誇六詠

諫

治譜授兒孫

燕

宦迹留淮海

燕

清芬誦

一門

諫

雲山閣

一座推秦七

燕

高吟入廣寒

燕

三層倚秋半

諫

皓魄挂

團圓

燕

璧社湖

老蚌光吞月

燕

才人氣吐虹

謙

心遊水精域

箴

瑞兆蕊

珠宮

燕

騎鶴樓

四客名言志

謙

斯人胡太貪

燕

屠門供一嚼

謙

不舞爾

應慙

箴

擬昌黎剡隊行用原韻聯句

脰脰膊膊

謙

來敝我門童子莫開

箴

主人怒嗔所嗔爲

何

叔

不知其然拉拉雜雜

燕

欲言難言此中空洞

謙

異

流同源飄然清風

箴

吹亂蒲莞驅雞上樹

謙

延客座間

分門別戶

燕

太璞獨完抱璞孤守

謙

非禮勿干高天厚

土箴進易退難我鍵我樞叔異種滋蕃一躁一靜燕王

碎瓦全如金擲謙如川障瀾有翁無闕箴設而常闕

養貞守默叔屏氣怡神子胡不速燕倒屣維艱爾重賢

然謙人云亦云空谷寂寂箴樂此忘年叔

譙樓鼓用呂黎聽穎師彈琴韻聯句

門吏走相語箴司籌吾與汝叔奮袂氣激昂謙儼登傀

備場燕逢逢老龍震四壁箴朝搥暮慘音抑揚叔五鳳

高入雲謙淵淵集鸞鳳燕虎帳喧闐月將墮箴枕戈促

起貔貅強叔一擊復一擊謙節奏殊風篁燕厭聽譙樓

聲箴客夢驚繩牀叔忽然憶山寺謙雨點敲洲滂燕鼓

兮奈爾何歲寒宵惱亂詩人腸叔

次韻猶生仿香山何處春生早十首

何處春生早春生羅綺叢潤之膏沐雨裁以剪刀風緹
幕舒油碧闌干橢亞紅十分煙景麗放浪酒盃中

何處春生早春生郭外廬雪消堤走馬冰泮沼遊魚日
玊環紅暈風箏漾碧虛餘寒仍料峭卯飲樂奚如

何處春生早春生十里村提壺爭入市扶杖喜窺園汨
汨添新漲離離滅燒痕東皇來布澤隨地有桃源

何處春生早春生鬪鴨磯坐同鶯燕語行趁鷺鷥飛畫
舫攜朋去晴簫賽社歸披蓑時下網不獨鱖魚肥

何處春生早春生解凍時節纔驚蟄過人莫飯牛遲隴
陌皆如畫郊原總入詩韶光看不足蠟屐欲從之

何處春生早春生四扇窗梨魂蘇錦帳梅影顫銀缸湯
嬾情猶戀封姨性漸降雁聲都向北綠過廣陵江

何處春生早春生大漠邊乍看青匝地無復白黏天月
抱輪臺艷波翻雪海圓玉門風已度消息遞吟箋

何處春生早春生一葉舟垂楊羈客感芳草美人愁江
霧寒猶滃嵐煙淡未收行行墟落近好作踏青游

何處春生早春生歌舞場搗箏長樂館布席合歡堂鶯
嘴啣新綠蜂鬚弄細黃沉酣金谷裏最好是斜陽

何處春生早春生湖上樓貓頭參玉版雀舌煮冰甌綠
螳初開甕青狐可貰裘有花兼有酒繫纜足勾留

贈謙齋用少陵短歌行韻

嗚呼世無孫陽與韓哀誰能策汝超光躡影之雄才金
臺嵯峨駿骨朽幾時蹴踏風雲開峻坂九折徒紆徊散
轡長嘶返肥水冰雪已穿東郭履白眼笑傲輕王侯擁
書獨伴管城子太息馬羣空久矣

昨與謙齋聯句成四律投次垣以爲意有未盡復
來索詩因用昌黎答張徹韻以抒今昔之感兼
贈令弟介臣

搦管那能住執裾試前聆弟昆忝同譜爾汝交忘形京
華一回首鄉賦咸弱齡君舉錦窠帳我入金馬庭爭看
叩負蜃轟飲蟻若萍尋芳韋杜曲角勝擣菹經僊舞昧
昏晝劇談翻風霆提燈雨滑屐投轄月射櫺美人響銀
甲狂客招紅丁泥沙賤珠玉鼓鐘羞盆缶超越媿劉訝
博通儕徐甯遠去訪南武過歸品中治力扳虎牙壯謂君
從身染蛟涎腥謂予相還鄉赴蓮幕戀闕辭尊汀征鴻
蹤跡判野馬塵埃冥蠶屯倏東魯鵬徙俄南溟迴翔薄
霄漢踳蹙投巖局蘭臺正學概謂介糟粕偏師伶傲睨
不舞鶴誦歌無邪駟途遙怯攬轡海濶艱揚舲需次嶺

表客拋書竹西亭

前年君免黃小圃致書於予
竟未得到小園旋亦化去

門開孰

扼虎苑圯誰放螢將隨五柳臥衆笑三閭醒奔電騏驎
足穿雲雕鶚翎燕領雄顧盼鹿盧光晶熒騰遶徧江介
鋪張侔井陘釀露蓼蕭露老守匏瓜星主組及屠販弁
髦視典刑熱腸有時冷白眼何人青蹉跎任淹滯契濶
長伶俚九折徒上坂四留虛箸銘予今到邗水子未還
句徑迷漫撒巨網纖細持寸莛自離洛陽陌久困王光
庭抵掌話戎幄吞聲泣幽囹髣髴縱蕉萃手挽彌空靈
君尤丁腹蟹類蝓蛄巢蚊猶焦螟禺莢巧借箸護花甘
小楷作鈴循咳二老樂講藝諸生聽觥籌亂交錯絃索鏘打

玲釵股運毫素礬頭撫翠屏

介臣兼工書畫

古硯聚墨潤時壺

烹茗馨

君爲予購虞伯生硯並贈舊宜興壺二

汪汪芥胸化絮絮蠟淚零

圍栽二分竹階數七變莫合沙伺狐蜮閒道浮蜻蛉驅

而納諸罟汜至羸其餅堪羅門外雀況歎原上鴝

謂子嚴舍

弟快然願弛擔鈍矣難發硌傾膽告廣座掬衷籲明廷

來年儻在此偕訪芍藥廳

論詩用昌黎送無本師歸范陽韻聯句

造化妙機軸

謙

議論須放膽愛古不薄今

歲

拔幟問誰

敢寸心絕縣邈

叔

百家恣摻攬高挾太華雲

燕

了不墮

埃窅洵如紫澣濤

謙

直下摘驪領鷹隼奮搏擊

篇

龍虎

互吞噉義和頓長轡

叔

天字豁曉繼風輪匝地驅

燕

八

荒盪陰慘球圖光陸離

謙

炙鼎色古澹春露胎奇花

箴

初日豔紅菖蘭馨壓蕭艾

叔

篁韻掩葭莢孤坐爭千秋

燕

一尊集萬感酸鹹異俗好

謙

餽釘屏菹歎太羹味自

腴

箴

調劑五味糝分曹踞壇坫

叔

稱雄蟻鬪坎小邾陋

邾莒

燕

剽竊紛抱槧上窺漢唐宋

謙

快意首履鎮

原韻

領犯

複以此

至性吐元籟

箴

陽和化兵燹探源三百篇

叔

長

城隻手撼然髭發狂語

燕

餘子空一覽

謙

次韻漢卿述懷四章

灌辟成刃芒琢磨出溫纈朽索難馭馬傲筭不制鯨枳

棘羅松岡蓬蒿翳蘭畹
混茫變態多太息天道遠江頭
風浪生收帆每苦晚鼠王鈍有刀五技弗如驥騄上
太行亦復愁蹶蹶劉伶愛鷄肋俗士廢然返忘機鷗若
馴扣角牛可飯能令鄙吝消今古一黃憲

道旁樛社樹睥睨龍門桐願甘不材老羞與匠石逢絲
竹器雖微律呂諧鐘鏞新聲喜淫哇短調殊匆匆妍媸
但皮相施嫺將毋同美醜不自知專憑塗抹工冥心獨
枯坐任吹馬耳風

仰睇天畔鵝俯看幕上鳥快哉赴壑蛇危矣銜鉤魚與
其太倉耗奚若擔石儲華堂易寂寞環堵翻恬愉沈埋

簿書間夢想林壑娛明明有捷徑視之儼畏塗悔不知
止足動多意外虞素交惠然來卜鄰鄰詎孤狂歌驚兒
童牽衣笑不呱久晴忽降雨嫩絕烹園蔬把盞拚逃禪
飯依參六如擁被入睡鄉塊壘消已無

羲和胡太勞扶桑鞭不停雲師亦狡獪布幃天爲瞑谷
神堅且牢三復思黃庭懍此歲寒操後凋何枯榮青銅
頻拭磨毫髮靡遁形亟揮魯陽戈蹉跎已半生天君果
泰然豈受外物嬰尻輪且逍遙莫問鷄鶩爭招手呼王
郎謂謙泉石偕經營

次韻謙齋宿焦山枕江閣

堪笑剪江渡春水未能鼓櫂破蒼烟

予今春往來渡江兩次未得一遊

君來豪氣空千古我別名山已廿年風雨難忘京口夢

庚戌七月遊焦山大雨欲宿曉清堂

畫圖偏結輞川綠

夜半雨止復歸舟中作七古一章

僧芥航爲君作三友圖 相期共待梅花放補讀殘碑訪鶴仙

醉後聯句用昌黎贈崔立之評事韻

朔風幻晴化工敏

謙

黏天頑雲吹不盡籬邊錯落火齊

珠

歲天紅

數叢瘦竹夏瑤軫睡起呼奴洗盃琰

蘇

椒雨

入喉筋骨緊撐腸書卷如吞牛

謙

滿眼樓臺本噓蜃浩

蕩願爲海上漚

絨

悲歌不屑草間蚓曾聞漆園曳龜嘲

燕

差免尼山割雞晒胡孫入袋賺黠吏

謙

水族含珍權

脆尹若羝觸藩心彷徨燕如鳳在笄勢迫窘丈夫到此

勇投筆燕志士有時憤擲楯巨魚吞鈎絲脫竿燕怒馬

價輟車斷鞅報仇像讓甘漆身燕鬪力孟說判絕臙變

化無方人孰測燕智勇兩窮天亦閔儻云烏兔可繩繫

遮莫蛟龍將笛引心中勿令徑塞茅燕足底莫拗谿

成筍備四時氣任雌黃燕探天地根得元牝卻顧歧途

斬荆棘燕直上暴山斫鏹箇須知一息抵千秋燕頓悟

三空和四忍瓊田常種不死草燕中馱亦有寄生菌河

干舉網鷗持蚌燕林間披翼鵲欺隼難指塵鏡分妍媸

聊闢桑樞別靈蠢吾生誓願金緘口燕良工果能鐵

鑄腎竭來箸論師逍遙

謙

何日燭書到年準蒼松肯偕

凡卉豔

歲

寒梅爭笑槁葉殞太虛爲室去門戶

燕

萬類

忘形化區軫戲拈須彌納纖芥

謙

朗誦楞嚴證雙泯

歲

次悔餘庵主答儻道人韻

芬馨也算小南強送抱推襟鎮日忙鶯舌多情翻院本
燕泥無賴落空梁放懷且醉盃中月顧影休看鏡裏霜
寄語黎園新子弟阿婆老矣怕登場

竹西亭畔管絃新憶否查園萬瓦鱗酒客稀疏醒當醉
花天旖旎夢如眞枕邊蛺蝶誰爲侶湖上鴛鴦自有隣
堪笑推敲成島佛不知梅蕊十分春

題眉生所藏戴文節湯貞愍兩團扇用東坡送陳

睦知潭州韻卽以錄別

畫家不讀書充棟片楮只堪覆酒甕一公文經武緯才

早脫朝衫理歸鞋孤忠大節垂千秋白下西治同一痛

當其運筆挾神髓儼若求仙得真汞嘉會堂

在休甯會館上

甫識荆雛鷓鴣難侶朝陽鳳將軍招飲獅子窟追想豪情

繫魂夢江村負手知已懷

貞愍自題有懷知已

柳岸摘華少年重

文節自題仿南田少年華艷之筆

妬君寶此兩團月坐看清風壁間送

兩扇裝成一軸

拜松之人情已渺

貞愍爲黃子湘畫拜松圖文節於後幅畫五松子湘今年

已下

寒夜圍爐吟興動詩通纔了愴別離又聽梅花笛

世

三弄

題房協唐

熙敬

驚墅消閑圖次叔平韻

豈獨瑤花屬使君

釋貫休詩序東陽王使君養一鶯絲名瑤花

詞壇歐九最

能文

歐陽公詩性情闊濬水邊多

試看明月秋江上屬玉春鉏兩不

分

振飛雲路漫無緣刷羽多逢漠漠天翻笑都官持論刻

鄭谷詩應嫌白鶯無仙骨

東坡號作雪衣仙

再用東坡和秦太虛梅花韻送眉生歸浙偕謙齋

作

羨君神王形不槁筆端能挽狂瀾倒厯盡風濤入坦途

鯨滌五昏除九惱蕪城苦寒天欲雪聞說禾中春氣蚤
江湖可奈舊雨稀山色無如故鄉好何圖解后六十日
玉屑霏霏俗塵埽明年我亦掉船去此身甘向煙霞老
相思頻寄尺素書有田且種文章草委心任運學淵明
底事窮通問蒼昊

天竹聯句

揉碎珊瑚作丹顆

簇

簇簇迎風吹不墮居然佛頂舍利

圓

叔

煉出雪中三昧火變態直使花神驚

謙

非竹乃冒

琅玕名黃梅雨裏綻瓊粟

簇

幽香四溢狂蜂爭花落疊

垂旋成實

叔

嫩綠宛與葉同色朱萼紫蓼正編爛

謙

百

非無光韜豔質秋陽莫補造化功箴亟呼青女來磨礱

初如驪頰吐微燄叔久之猩血漸深紅碧玉梢頭防雀

啄謙幾串離離罽筠簾欲邀仙客待九還箴漫許園丁

收十斛饒眼稀疏一抹霞叔黃姑共降野人家笑他多

擷相思豆謙可識難求句漏沙箴

客秋予自廣州北上薊谿以詩贈行予依韻和之

并挽畫師李翠巖作珠江話別圖昨始乞邦上

蓮溪僧爲補景復用東坡和蔣夔寄茶韻寄薊

谿兼懷恢垣子隅

端州又結山水緣不扶筇杖安且便瀝湖石室恣吟嘯

墨花濃澣冰紋鮮君家太守

謂子

我詩友酒酣興發如

涌泉愛蓮亭上謫仙裔

謂校垣

唾落萬顆珠璣圓合并三

子踞壇坫主人才調追樊川

謂子嚴弟

懸知把盞望我至嘉

魚味好方登筵老夫衰頽怕跋涉每思南食空垂涎近

招開土補圖畫感君道義相磨斫江干機舟不忍別忽

忽判袂俄經年誓將還山友麋鹿鴛鴦甘讓驂騑先問

君胡爲戀炎嶠抱琴自笑囊無錢虹橋月冷蜀岡地看

人騎鶴誇腰纏幸來狂徒被岑寂

謂謙齋

勇扛石鼎偕烹

煎三杯醺然出芒角奚論清聖和濁賢寒窗寄訊嶺南

客弔鐘未若長春妍

揚州月季甲於天下

詩筒遠遞四千里直舒

胸臆何雕鏤

詠月季再用東坡韻

弱質羞隨萬木槁怪底化工任顛倒貫時宛有松柏性
長春翻被雪霜惱稚女瘦客稱謂殊天下風流得名早
陳參政詩天下就中驚黃品尤絕澹雅豈獨朱顏好坐
風流月季花

令桃李怨東皇年年紅雨階前埽尋芳未獲到益部變

種故應推繆老玫瑰寶相都避舍尙書樞密富吟草宋

京韓魏公數枝掩映琉璃窗解學寒梅鬪晴昊
皆有詩

漫興用少陵春日江村五首韻聯句

萬木寒雲洹謙千崖秋氣深叔霜楓皴畫意箴潭水滌

塵心

謙

匱匱虛室互

叔

逶迤曲徑尋

箴

結廬吾願足

謙

忽忽至而今

叔

泛舟思往歲

箴

蠟屐負華年

謙

落日江邊塔

叔

奔騰樹

杪泉

箴

烟霏山態活

謙

珠溜石痕穿

叔

簞笠安排久

箴

浮沈豈問天

謙

古柏干霄碧

叔

天桃夾岸紅

箴

萍開魚出水

謙

柳轉燕

斜風

叔

跨犢逢田叟

箴

垂綸羨釣翁

謙

江鄉隨處好

叔

何必隱壺中

箴

陟磴攀蘿葛

謙

搗碑剔蘚苔

叔

松疏延月色

箴

桐老養

琴材

謙

鳴裏村居僻

叔

巖坳佛界開

箴

鐘聲響天末

謙

有客夜歸來

叔

野鳥迎人熟

箴

春潮帶雨生

謙

竹陰遮北牖

叔

山翠落

南榮

箴

林密疑無路

謙

峯多不計名

叔

支筇重欲訪

箴

邱壑永怡情

謙

偕叔平謙齋夜話有感用東坡送李公擇赴闕韻

吁嗟難防笑中刀
翻悔所見皆皮毛
乾坤偪仄至於此
魚入網罟鷹纏條
丈夫只合臥山野
胡爲役役風塵勞
食古不化詫迂腐
相機而動推時髦
口拙無礙心智慧
外強奚必中堅牢
半生已苦受縛束
自今決計偕遊遨
靑鞋布襪杖筇竹
同志豈乏羊求曹
香花墩畔釣鮮鯽

箏笛浦上烹霜螯有時乘興到皖水蘭茗

叔平館名

賞酒談

莊騷下車攘臂肯再誤杜門卻掃方自豪檣櫟儘可傲
松柏蓀荃亟欲離艾蒿更闢燭炮共撫掌低昂半若林
端棹

曉起獨坐恍然有悟三疊前韻

宋人助長握苗槁強項怪哉翁不倒神仙入世愛遊戲
我佛生天卻煩惱負壳蜣蜣粘壁多轉丸蜣蜣脫垢蚤
田何貧勝石崇富無鹽醜比西施好月輪常乞剛斧修
雲幕全仗義鞭埽英雄甘受胯下辱孺子知敬地上老
縱然大地若幻泡毋使寸田滋蔓草滿窗紅日射黃梅

雪意冥冥閣層昊

謙齋前日游梅花嶺今日登蜀岡予皆不能偕往

聊賦一詩索和

妬爾出遊頻蠟屐累予枯坐等懸匏青山可愛排虛檻
絳雪從知孕滿梢十里平蕪殘劫過數行枯柳晚鐘敲
悶來閉戶惟搽句差免傍人飯顆嘲

答謙齋疊前韻

作客江干攜伴侶泛舟湖上響笙匏夕陽樓閣紅千疊
遠岸松杉綠萬梢猶見離宮雄結構獨歸僧寺苦推敲
謂辛丑之遊 依依廿八年前事寂寞山靈向我嘲

答叔平三疊前韻

知君善學虛心竹顧我幾成無口匏惟願一聲曉杜宇
漫思千里走蒲梢肥津花墅挈舟訪樅水柴門冒雪敲
從此輕儵歸大壑泥中蟻蛭不須嘲

不寐四疊前韻

儼奏陽關三疊曲非同蠻部獨絃匏尖風得勢穿窗隙
斜月多情挂竹梢垂老更將燈味戀欲眠可奈柝聲敲
睡魔直避詩魔去入定何時強自嘲

心泉自鎮江用予昔年奉懷詩韻成五言五章意
有未盡復作七律四章見贈走筆奉酬卽送北

上

小別已十載論交逾卅秋卽今垂白日難忘輓紅游絲
竹增豪興壺觴洗客愁回思少年事萍梗泛圓漚

占得香中冠叢蘭秀素秋爲耽花國佳時入醉鄉游對
鏡鷺能舞吹簫鳳不愁電光明滅處一雨便成漚

煖炕寒消夜涼棚夏到秋驅車過深巷秉燭共嬉游歲
杪猶尋樂囊空底用愁茫茫愛河水未識是泡漚

禪房和道院

己亥庚子間君寓地藏菴
予與子健弟寓圓通觀

倏忽又三秋最

好城南景相將郭外游霜天驪唱起澤國雁行愁

謂子健

忽地颿輪捲俄看滅一漚

憶泛袁江擢菰蒲瑟瑟秋倚樓人不見

辛丑予至袁江適君歸里託

鉢我來游錦字空題恨篷窗慣寫愁墜歡何處覓聚散

木風漚

離合中間不計年無緣久在大羅天同官似我迂疏少
行輩如君孝友全珂里陔華游子羨瀧岡風木舊交憐
重來雪舫傳觴地冬夜披圖一愴然

長安棋局劇分明勝負逢場了不驚縱酒看花聊自適
敏門倒屣輒相迎朦朧射覆藏鈎戲繾綣推襟送抱情
郎署浮沉人莫笑障鴈臺畔早知名

昂藏意氣露天眞脫略形骸肺腑親邗上維舟歡竟日

曲阿作客悵淹旬
冰霜益助松柯健
境地纔知夢味辛
且對梅花傾百盞
古今幾見獨醒人

江干一在朔旄紛
試看寒窗落照曛
不學輕裘羊叔子
願師大瓠卞田君
日邊耐可投竿隱
隴上遄歸負耒勤
此後相思憑尺素
二千里外賦停雲

